

# Matukio Ya Sasa Yanadhihirishwa Na Unabii

San Bernardino, California, USA

Desemba 06, 1965

1 Na tuinamishe vichwa vyetu. Mpendwa Baba wa Mbinguni, tunakushukuru usiku wa leo kwa sababu Wewe hujibu maombi kwa ajili yetu. Maskini mwanamke huyu mpendwa amelala pale, ambapo upasuaji umeshindwa. Lakini, Ee Mungu, tunakumbuka upasuaji wa kwanza uliopata kufanywa duniani, Wewe uliufanya Mwenyewe. Ulichukua kutoka ubavuni mwa Adamu, ubavu, ukafunga mkato huo, kisha ukafanya mke. Ee Baba, ninaomba usiku wa leo ya kwamba mkono Wako utashuka sasa na utatekeleza jambo hili kuu tunaloomba. Na hawa wengine, Bwana, mwanamke huyu anayeugua ugonjwa wa akili, wengine wote walio na haja, tunawakabidhi tu Kwako, Baba, kwa moyo wetu wote. Katika Jina la Yesu Kristo. Amina.

Hakika ni majaliwa kuwa hapa usiku wa leo na kuwa na wasikilizaji hawa wazuri kuangalia. Na uimbaji mzuri, kwaya ndogo nzuri sana. Nilikuwa nikiwazia tu tofauti, nikiwaona hao wavulana wamesimama pale pamoja na ... jamaa wenye sura safi, kukata nywele safi. Nilikuwa nikiwazia, jana usiku, juu ya—juu ya mahali ambapo ninakaa; kundi la majambazi lilishuka likaja pale chini na kujaribu kumzamisha mvulana mmoja kwenye dimbwi la kuogelea; iliwabidi kuita kitu fulani na kuwaondoa pale. Ni tofauti ya jinsi gani, kuona watoto wakisimama, wakiimba nyimbo za Injili; ni tofauti ya jinsi gani.

2 Nikiwazia, kama vile Ndugu Henry alivyosema pale, "wale wanaume wenye nywele hizo kama wanawake wanavyopaswa kuwa nazo," mnaona. Hiyo—hiyo—hiyo ni kweli. Inaonekana kama ninii ... Ninawaona wavulana hawa wakijaribu jambo hilo, kuwa na nywele hizo, hata wanaweka rola za kukunja mle, kuuzunguka uso wao. Nami sijui, mimi ... wakati mwingine ninakata tamaa. Inaonekana kama ni—ni wakati halisi wa upotovu. Wanaume wanajaribu kuvaa nguo za wanawake, na wanawake wanavaa nguo za wanaume. Na wanaume wakiacha nywele zao kama wanawake, na wanawake wakiwa na nywele kama wanaume. Watu hawa wana shida gani, hata hivyo? Hivi ninii, kweli, maana hasa ya uadilifu na heshima zimeondoka kwenye taifa hili na kwa watu hawa, ulimwenguni humu?

Huu ni wakati wa kutisha, bali ni wakati wa utukufu sana ulimwenguni, kuhubiri Injili. Kama ningalisimama kwenye ukingo wa wakati kabla haujaanza, na Baba angaliniangalia, na kusema, "Ni wakati gani katika nyakati hizi zijazo ungetaka kuhubiri? Ningelitaka sasa hivi, hiyo ni kweli, kabla tu ya Kuja Kwake.

3 Nikiwaangalia wasikilizaji, wanaoketi hapa mbele zetu ... Ndugu mhudumu rafiki yangu, huko Tucson jana, alikuwa amepanda farasi. (Nikiwazia juu ya mtu huyu mwenye hii...mwanamke huyu mwenye lile gegedu mgongoni mwake.) Farasi huyu alimtupa. Mtu mwingine alinipigia simu saa saba jana usiku, hotelini mwangu, na kusema, "Mtu huyo yuko kwenye Hospitali ya Mashujaa, na macho yake yana mng'ao mbaya, mgongo wake umepondwa, mafigo yake yametokeza, na moyo wake uko karibu kukoma kupiga." Na hapo nikashuka sakafuni, nikapiga magoti yangu; simu, nikampeleka upande mwingine, na kumwomba. Na huyu hapa ameketi hapa usiku wa leo, ameketi papo hapo. Hiyo ilikuwa jana usiku. Bob, ungeweza tu kusimama pale? Huyu hapo huyo mtu, papo hapo. [Kusanyiko linashangilia — Mh.] Mungu hujibu maombi, asubuhi, usiku, aduhuri, usiku wa manane, ama wakati wowote.

4 Sasa, mimi—mimi ni mhubiri mwenye maneno mengi, kama wanavyoliita. Kwa namna fulani ninajisikia vibaya kuanza wakati huu wa usiku, na—na nilidhani ningekuja tu huku. Hivi majuzi usiku, mbona, tulikuwa tukizungumza hapa mahali fulani, na ninii ... dakika kumi na tano baada ya mimi kuanza, watu walikuwa wakiokota vyombo na kuniashiria, "Ondoka! Nyamaza, unapaswa kutoka humu," wakivuta sigara, na kuendelea. Haikuwa la—lawama kwa ile dhifa, ni hao watu tuliokodisha kwao. Ndi—ndipo mke wa mwenyekiti akazunguka akaenda akamwambia meneja, kasema...

Kasema, "Vema, unastahili kuwa umetoka hapa saa 9:30."

Kasema, "Hukuweka hilo katika mkataba."

Mama huyu, usiku wa leo, alishuka akaja huku (mama mzuri sana) naye akasema, "Tulifahamu ya kwamba mnautaka," kasema, "uchukueni tu kwa muda mrefu mtakavyo." Ili kwamba ... Kwa hiyo ninashukuru sana kwa ajili ya jambo hilo. Hilo ni zuri sana.

5 Ndugu Henry, hakika nathamini wema wako—wako wa kunialika hapa, na tawi hili.

Nilikuwa na majaliwa jana usiku ya kuwa hapa chini kwenye Assemblies of God ambako ninaamini Ndugu Boone ni mchungaji. Nilikuwa na wakati mzuri sana kule chini pamoja na kundi hilo la watu. Na kesho usiku tunaenda mahali fulani hapa, sijui ni wapi, na ni tawi jingine. Wanashughulikia jambo hilo; Ninaendelea tu kuomba, kusoma, na kuendelea, na ndiyo tu ninayoweza kustahimili.

6 Lakini, sasa, tunaona mambo ya ajabu katika siku hii. Sasa nimekumbuka wakati wa mwisho nilipokuwa hapa nilikuwa kwenye mkutano wa hema. Ninakumbuka niliponena habari zake jana usiku, juu ya wanandoa wadogo waliomleta mtoto wao aliyekufa. Ni—ni mahali fulani hapa juu, waliendesha gari mchana kutwa na usiku. Maskini mama huyu ameketi, akiwa na huzuni, amemshika mtoto huyo mchanga

mikononi mwake. Sasa, huenda ameketi papa hapa sasa, kwa yote nijuayo. Naye ... huyo mume mdogo, wanandoa wengi zaidi pamoja nao, nao walikuwa ... Naye akasema ... akaniuliza kama ningekuja (huyo mtu akaja) kwenye gari. Nilimtoa mtoto huyo mchanga nje na nilikuwa nimemshika tu; umbo dogo, lililokufa, gumu, baridi; nami nikaanza kuomba. Na nilipooomba, mwili huo ulianza kuhisi kana kwamba ulikuwa unapata joto. Kwa hiyo niliniii tu ... Niliendelea kuomba. Alianza kupiga mateke na kusogea, akienda, kwa hiyo mimi ... nikaanza kulia. Nikamrudishia huyo mama, akarudi naye nyumbani. Kwa hiyo, huenda hata hawakuwa Wakristo, nijuavyo mimi. Mnaona? Hilo lilikuwa jambo la ajabu.

7 Lakini kile ninachowazia, usiku wa leo, ninajua kanisa linalokufa, pia, ni watu wetu wa Kipentekoste. Hatuna budi kutikisa jambo hili, a-ha, hivyo tu. Na njia pekee utakayofanya ni maombi na kujipanga pamoja na Neno la Mungu. Ndivyo tu tutakavyofanya jambo hilo. Kuna njia moja tu ya kuepukia, Yeye ndiye njia hiyo, Yesu Kristo yeye yule jana, leo, na hata milele. Tungependa kanisa letu liwe katika hali kama alivyosema kule, kama kule Uingereza? Hiyo ndiyo sababu nimekuwa, mnafikiri, mkali sana, nikiwakemea. Wala simaanishi kufanya jambo hilo, ila sitaki kuliona kanisa likiingia katika hali kama hiyo. Hutaki kuwa katika hali hiyo. Ina—inakubidi tu kulishindilia ndani kwa nguvu sana mpaka ulipigilie na kulishikiza kabisa Haina budi kufanywa.

Kwa hiyo sasa, usiku wa leo, nina ninii tu ... Maandiko fulani na fungu hapa ninataka kuzungumza juu yake kwa muda kidogo. Sitasema wakati wowote maalum. Unachoka, kwa nini ... Huenda nikamaliza katika dakika thelathini, na inategemea tu ... Kwa namna fulani daima mimi huliachia tu Roho Mtakatifu, jinsi tu atakavyoongoza.

8 Hebu na tuinamishe vichwa vyetu kwa muda kidogo tu, tuzungumze na Mwandishi kabla hatujafungua Kitabu Chake.

Mwenyezi Mungu, Mwandishi wa Kitabu hiki, kwa Yesu Kristo tunaomba. Tunashukuru kwa yale ambayo tayari tumesikia usiku wa leo. Kama tu—tukiitikia mkutano huu kwa kusema, "Amina," na twende nyumbani, ilikuwa ni vema kuwa hapa, kwa kuwa tunajua ya kwamba umekuwa pamoja nasi. Na, Baba, tunapolifungua Neno hili sasa, nena nasi moja kwa moja kutoka kwenye Neno hili, tupate kujua saa tunayoishi. Kama tukijua saa tunayoishi, basi tunaweza kujiandaa kwa ajili ya saa hiyo; lakini kama tukiingia vivi hivi bila kujua ni nini ama ni wapi, basi hatujui jinsi ya kujiandaa. Kwa hiyo, Baba, tunaomba ya kwamba utatujalia kuona Sanduku pale, na Mlango, ukifunguliwa, na Ujumbe ukituita tuingie. Tujalie kwa Jina la Yesu Kristo. Amina.

9 Katika Maandiko Matakatifu, ninataka kusoma fungu hapa; linapatikana katika Kitabu cha Mtakatifu Luka, kwenye mlango wa 24, ninii ... Nitaanzia kwenye kifungu cha 13, na kusoma sehemu Yake.

*Na tazama, siku ile ile watu wawili miongoni mwao walikuwa wakienda kutoka kwenye kijiji kimoja, jina lake Emau, kilichokuwa mbali na Yerusalemu kama mwendo wa saa—saa mbili.*

*Nao walikuwa wakizungumza wao kwa wao...mambo hayo yote yaliyotukia.*

*Ikawa katika kuzungumza na kuulizana...Yesu mwenyewe alikaribia, akaandamana nao.*

*Macho yao yakafumbwa wasimtambue.*

*Akawaambia, Ni maneno gani haya mnayoongea hivi mnapotembea, na kukunja nyuso zenu?*

*Akajibu mmoja wao, jina lake Kleopa, akajibu akamwambia, Je! Wewe peke yako u mgeni katika Yerusalemu, hata hujayajua mambo haya yote ambayo yametukia...siku hizi?*

*Wakamwambia, Mambo ya Yesu wa Nazareti, aliyekuwa mtu nabii, mwenye uwezo katika kutenda na kunena mbele za Mungu na watu wote,*

*Tena jinsi wakuu wa makuhani na wakubwa wetu walivyomtia katika...hukumu ya kufa, wakamsulubisha.*

*Nasi tulikuwa tukitumaini ya kuwa yeye ndiye atakayewakomboa Israeli. Mbali na hayo yote, leo ni siku ya tatu tangu yalipotendeka mambo hayo.*

*Tena, wanawake kadha wa kadha wa kwetu walitushitusha, waliokwenda...kaburini*

*...Wasiuone mwili wake; wakaja wakasema ya kwamba wametokewa na malaika waliowaambia...waliosema kwamba yu hai.*

*Na wengine waliokuwa pamoja nasi walikwenda kaburini, wakaona vivyo hivyo kama wale wanawake walivyosema, ila yeye wao ... ila yeye hawakumwona.*

*Akawaambia, Enyi msiofahamu, wenye mioyo mizito ya kuamini (kutokuamini) yote*

*waliyosema manabii!*

*Je! Haikumpasa Kristo kupata mateso haya na akaingia katika utukufu wake?*

*Akaanza kutoka Musa na manabii wote, akawaeleza... maandiko yote mambo yaliyomhusu yeye mwenyewe.*

Bwana na aongeze baraka Zake katika kusomwa kwa Maneno Yake.

10 Sasa ninachukua ... kama nikiita somo, ningetaka kuchukua hili: Matukio ... Matukio Ya Kisasa Yanadhihirishwa Na Unabii. Sasa, daima imekuwa ni Mungu ... njia ya Mungu isiyobadilika ya kutangulia ... kuwaacha watu Wake wajue kabla ya matukio fulani kutukia.

Kama watu katika siku za Bwana Yesu wanalimtafuta tu Mungu na kujua yale yaliyokuwa karibu kutukia, wasingemhukumu Yesu kifo. Lakini sababu ilikuwa hivyo, kwa sababu Maandiko yalipaswa kutimizwa, kwa sababu ilibidi Wayahudi wapofushwe. Sisi sote tunajua jambo hilo.

Je! Mnatambua ya kwamba hilo limeahidiwa tena katika wakati huu tunaoishi? Wakati wa Kanisa la Laodikia, wakati huu wa saba wa kanisa tuliomo sasa, ni uchi, wenye mashaka, kipofu, wala hawajui. Kama vile Yeye alivyowapofusha kule nyuma kwa kusudi la kufikisha Ujumbe Wake kwa watu walioteuliwa, ameahidiwa kufanya jambo lile lile leo.

11 Na kama ningesema jambo hilo kwa heshima, na kwa ndugu zangu wote na dada katika Kristo, moja ya siku hizi mtu fulani atasema, "Hivi haijaandikwa ya kwamba mambo haya yanapaswa kutukia kwanza?"

Na itakuwa vile vile jinsi ilivyokuwa wakati huo, "Amini, nawaambia, amekuja tayari, nao wakamtendea yale waliyotaka."

Walipomwuliza, kasema, "Mbona, waandishi wanasema, na Maandiko yanasema ya kwamba—ya kwamba 'Eliya hana budi kuja kwanza.'" Walimwambia Yesu jambo hilo.

Akasema, "Amekwisha kuja tayari, wala hamkumjua." Mnaona? Na labda hivyo ndivyo itakavyoishia tena.

12 Sasa tunataka kufahamishwa, kujua yale yatakayotukia kwa kizazi hiki tunachoishi. Mungu amegawa Neno Lake katika kila wakati, kiasi fulani kwa kila wakati, nasi hatuna budi kuona kwamba wakati mmoja hauwezi kuendelea ukaingia katika mwingine. Haitafaa kitu. Kwa mfano, kama nilivyosema, ninaamini jana usiku ama ... Kwa mfano, kama nilivyokwisha kusema, ninaamini jana usiku ama... Ninahubiri daima, usiku baada ya usiku, mahali pengi, na mara nyingine ninatoa tamshi kwa mara ya pili. Sikusudii kurudiarudia maneno yangu. Lakini ninasema hivi: Ingeninii...ingemfaa nini Musa kujaribu kuhubiri ujumbe wa Nuhu? Ama ingefaa nini...ingemfaa nini Yesu kujaribu kuhubiri ujumbe wa Musa? Ama ingemfaa nini Martin Luther kuendelea na ujumbe wa Katoliki? Ingemfaa nini Wesley kuendelea na ujumbe wa Kilutheri? Ingewafaa nini Wapentekoste kuendelea na ujumbe wa Kimethodisti? Ama itafaa nini Pentekoste kuendelea wakati Bibi - arusi anaitwa? Unaona, tuko moja kwa moja kwenye wakati wa mbegu, tuko hapa katika wakati wa mwisho. Sasa, punje ya ngano isipoanguka ardhini, inakaa peke yake.

13 Kama mkosoaji, kama nilivyokwisha kutoa matamshi tangu kile kitabu kilipotoka, labda mnacho hapa jijini mwe—mwenu, yule mwandishi wa Kijerumani aliyeandika moja ya makala ya kukosoa sana Yeye ni kafiri. Bila shaka si ... Mimi simhukumu kwa sababu amenihukumu hivyo; lakini, kwa sababu, akiwa ni kafiri, kitabu hakipaswi kamwe kuwa kwenye rafu. Basi alisema, "Mungu ambaye angeweza kuketi na kusema angeweza kufungua Bahari ya Shamu na kuwakomboa watu Wake, kisha aketi amekunja mikono Yake tumboni Mwake na kuwaona hao Wakristo katika zile Nyakati za Giza wakiraruliwa vipande-vipande na simba; hao akina mama wenye nywele zilizoloweshwa kwa lami, na kuning'inizwa misalabani na kuchomwa moto; na mtoto wao mchanga...mama wajawazito, wangewapasua tumbo lao na kubahatisha kujua jinsia ya mtoto; naye akaketi na kuachilia hayo yatukie; watu waliodhaniwa kwamba ni watumishi wa Mungu huyu."

14 Mnaona, Maandiko ni uvuvio. Kamwe hutaweza kuyajua Maandiko kwa kuketi tu chini na kuyasoma kw msimamo wa kitheolojia, kwa msimamo wa elimu; kamwe halifaa kitu.

Nilikuwa nikizungumza na mhudumu wa Kibatisti si muda mrefu uliopita, alisema, "Mpaka tujifunze Kiyunani sahihi, mpaka sisi ..."

Nikasema, "Katika Baraza la Nikea, kabla ya hapo, walikuwa wakibishana juu ya maneno ya Kiyunani katika Biblia." Kamwe humtajua jambo Hilo.

Biblia inapaswa kufunuliwa kwa uvuvio. Hilo ndilo jambo pekee, ufunuo. Yesu alimwambia Petro, "Juu ya mwamba huu." Mwamba huu wa ufunuo hufunua Yeye ni nani. "Heri wewe Simoni, mwana wa Yona, mwili na damu havikukufunulia hili, bali Baba Yangu aliye Mbinguni amekufunulia hili; juu ya mwamba huu nitalijenga Kanisa Langu." Si juu ya Petro, si juu ya nafsi Yake, bali juu ya ufunuo wa kiroho wa Yeye

alikuwa nani.

Naye ni Neno! Yohana Mtakatifu 1, "Hapo mwanzo kulikuwako Neno, naye Neno alikuwako kwa Mungu, naye Neno alikuwa Mungu. Naye Neno alifanyika mwili akakaa kwetu." Waebrania 13:8, "Ni yeye yule jana, leo, na hata milele."

15 Kwa hiyo tunaishi katika siku ambapo dhihirisho la Neno la Mungu halina budi kufikia wakati tofauti na wakati wa Kipentekoste. Na hiyo ni kweli. Kumbuka, utaninii ... Mimi ni mtu asiye na elimu; bali huwezi kushinda maumbile, kwa sababu Mungu hutenda kazi katika mwendelezo wa moja kwa moja wa maumbile. Ni kama tu, kama vile nimekwisha kusema, jua huchomoza na kutua; na linapitia mchana, na kama vile wakati wa shule; nalo linakufa jioni, lipate kufufuka kesho yake asubuhi. Miti huteremsha utomvu wakati wa majira ya baridi kali, unaingia mashinani, kisha unarudi kwenye majira ya kuchipua.

Angalieni, Yeye alimlinganisha na punje ya ngano, Bibi-arusi, sababu ya Mungu kuachilia jambo hilo liendeleo namna hiyo. Hilo Kanisa zuri, halisi, halisi lililoanzishwa kwenye Siku ya Pentekoste, lilikuwa limekua na kukua tangu Siku ya Pentekoste, likawa kanisa kuu, ilibidi lianguke duniani katika ule Wakati wa Giza na kuzikwa kama vile mbegu yote inavyofanya. Ilibidi life ili liweze kutokea katika yale matengenezo tena. Lilichipuka katika yule mtu wa yale matengenezo, Martin Luther. Na kutoka hapo, kama tu shina la ngano linachipuka. Kitu cha kwanza kinachotokea, kuna majani mawili madogo, ndipo linaendelea kuongeza majani zaidi. Moja kwa moja akatokea Martin Luther, na halafu Zwingli, na kuendelea moja kwa moja, Calvin, na walivyosonga mbele.

16 Hatimaye inaingia kwenye kishada. Sasa, huyo alikuwa ni John Wesley katika wakati wa Wesley. Ilikuwa na chavua iliyoanguka.

Kutoka hapo ukaja wakati wa Pentekoste, uliofanana sana, kama tu punje halisi ya ngano kama ukiangalia shina. Lakini kama utaichukua hiyo ngano na kuifungua, hakuna punje hata moja ndani yake hata kidogo, ni kapi tu katika umbo la punje. Lakini imewekwa pale kwa kusudi fulani, kuilinda punje mpaka ... Kama jua likipiga namna hiyo, lingeiua.

Haina budi kukaa mle ndani mpaka wakati fulani, na Uhai wote unaliacha kapi (kama vile ulivyoliacha shina, ulivyoiacha chavua), unaliacha kapi na kuingia kwenye ngano, na kufanyiza tena kama tu ilivyokuwa kule chini ardhini.

17 Sasa, sisi sote tunajua ya kwamba wakati wowote ujumbe unapotolewa, katika miaka mitatu wanaunda madhehebu. Wanapofanya hivyo, linauua papo hapo; ilifanya hivyo katika siku za Luther, hakika ilifanya hivyo katika siku za Wesley, ilifanya hivyo katika siku za Alexander Campbell, na hao wengine wote, na ilifanya hivyo katika siku za Pentekoste. Kweli kabisa! Mnaona? Unafikia mahali, kila mmoja anakuwa mgumu, na anaondoka, nao hawawezi kupokea ufunuo mpya. Wametulia; na hao hapo, nao hapo wanakufa. Nao Uhai unapitia moja kwa moja humo, na unaenda moja kwa moja kufanyiza ngano. Na wakati ngano itakapokuja, Uhai huo uliosafiri kupitia hiyo ngano, ule ufufuo, unatoa kitu hicho chote; naam, huleta kwa ajili ya Kunyakuliwa.

18 Sasa, kumbukeni, Ujumbe huu ulianza kwanza na uponyaji wa Kiungu, ukifanya miujiza. Sasa, kama Mungu aliachilia jambo hilo lipitie katika kanisa la kawaida, kama tu vile tulivyokuwa nalo tayari, basi haikuwa ni Mungu. Haimbidi Mungu kujivuna; Yeye haninii—haimbidi kufanya mambo haya, kututumbuiza, kama sisi Wamarekani tulivyozoea kuninii (burudani), bali Yeye hufanya hivyo apate kuvutia usikivu wa watu, ya kwamba Yeye anajiandaa kufanya jambo fulani.

Mwangelie Yeye Mwenyewe wakati alipokuja. "Yule nabii mdogo wa ajabu, yule rabi, nabii wa Galilaya." Mbona, huduma Yake ilikuwa ya ajabu, Yeye alikaribishwa katika kila kanisa.

Lakini siku moja aliketi chini, kasema, "Mimi na Baba Yangu tu Mmoja."

"Loo, jamani!" Hilo halikukubalika. "Kaa mbali na jamaa kama huyo!"

"Msipoula mwili wa Mwana wa Adamu, na kuinywa Damu Yake, hamna Uzima ndani yenu."

"Mbona, yeye ni kifyonza damu! Kaa mbali na mtu kama huyo!" Mnaona?

Mnaona, kulikuwa na kitu fulani kilichopaswa kufuata ishara hiyo. Mnaona, kitu fulani kilifuata.

Kapi likaishikilia, lakini sasa kapi linaondoka; haina budi kufanya hivyo. Na kumbukeni, miaka ishirini imepita na hakuna madhehebu tena yaliyotoka kwake, wala halitatoka. Tuko kwenye mwisho wa madhehebu, ngano imepata umbo. Lakini kuna shida gani na ngano sasa, huwezi...haina budi kukaa Uweponi mwa Mwana, ipate kuiva, kabla mashine ya kuvunia haijaichuma.

19 Sasa, matukio tunayoona yakitukia, yameonyeshwa yakini katika Biblia, kwa kila kizazi. Tunafikiri sote tumeacha njia, bali sivyo, kila kitu kinaambatana tu kabisa na Neno la Mungu.

Sasa, Biblia ni kitabu tofauti na kitabu kingine chochote kitakatifu. Hakuna kitabu kama Biblia, kwa sababu Biblia ni Mungu katika umbo la neno. Mnaona? Ni ... Neno ni wazo lililotamkwa. Mawazo ya Mungu yalilitamka, Maneno Yake kupitia kwa manabii; nao wakaiandika Biblia, ambayo iko katika umbo la neno. Naye Yesu akaliita, "Mbegu." Na mbegu yoyote itazaa kwa jinsi yake kama iko katika hali nzuri, mazingira mazuri. Sasa, Kitabu hiki cha ... ni ... Kitabu hiki cha unabii, Kina—kinatabiri matukio yajayo. Sasa, Kitabu hiki kina ufunuo wote wa Yesu Kristo. Huongeze Kwake wala kuondoa Kwake, na kila ufunuo hauna budi kuja kupitia Kwake. Mnaona, halina budi kuwa ni Neno.

20 Kwa hiyo watu husema, "Nilikuwa na ufunuo." Ndiyo, tunajua Joseph Smith na wengi walikuwa na mafunuo na kadhalika, bali ilikuwa ni kinyume cha Neno.

Hauna budi kuja kulingana na Neno kama unatokana na Mungu, kwa sababu unapaswa kuthibitisha ama kuhakikisha Uwepo wa Mungu. Naye alitangulia kujua mambo haya yote, akiwa ... Naye alitangulia kujua mambo haya yote, akiwa...Kwa kujua Kwake hapo zamani Yeye alichagua, alitangulia kuchagua (linaitwa katika Biblia "kuchaguliwa tangu zamani") kila wakati mahali pake, na kila mtu mahali pake, na kila mjumbe mahali pake. Yeye ni Mungu, Ibilisi hamdanganyi kwa chochote. Naye ni Mungu, Naye amechagua kila kitu kutukia, na kinaambatana moja kwa moja na Neno Lake.

Kwa hiyo kama tunaweza kuona, kwa Neno Lake, ni wakati gani na ni wakati gani tunaishi, mtaliona papa hapa katika Biblia, ya wakati huu, kile tunachopaswa ... kinachopaswa kutukia wakati huu.

21 Sasa, vile—vile vitabu vingine, tunaona vitabu vingi sana ambavyo wanaviita "vitabu vitakatifu," na kadhalika. Nami nimesoma Ku—Kurani na vingine vingi. Lakini, unaona, vitabu vya—vyao vitakatifu ni kanuni tu za maadili, wa uadilifu, ama wa theolojia.

Lakini Kitabu hiki ni Nabii, ni tofauti na kitabu kingine chochote. Biblia ni Neno la Mungu linalotabiri mambo yajayo. Kinatabiri kwa sababu kimeonywa awali.

Kama Mungu akituma chochote, Yeye anasema na aliahidi katika Biblia ya kwamba asingefanya jambo lolote juu ya nchi mpaka kwanza amelifunulia watumishi Wake manabii. Hiyo ni Amosi 3:7. Yeye ... na wala Mungu hawezi kusema uongo. Yeye hulifunua, hiyo imekuwa ndiyo njia Yake ya kufanya jambo hilo kote katika nyakati. Yeye kamwe hakushindwa kufanya hivyo.

22 Sasa, tumeahidiwa, katika siku za mwisho, jambo hili kurejeshwa. Ha—hakutakuwako na kanisa, hakuna dhehebu, Methodisti, Baptisti, Presbiteri, Wapentekoste, kamwe hawataliendeleza (katika hali zao za kisasa) kanisa hili likawa Bibi-arusi. Hawawezi kufanya hivyo, wanashindwa. Wanazozana kupita kiasi, na ulimwengu umewanyemelea ukaingia, na kadhalika, na—na wakafa moja kwa moja njiani mwao. Na kwa hiyo Mungu anajua jambo hilo.

Na kulifunua Neno hili, mmoja anasema, "Vema, nina hili. Na Mungu abarikiwe, liko namna hiyo." Hivyo ndivyo ilivyokuwa tu wakati Yesu alipokuja mara ya kwanza; kila mtu ana fundisho, kila mtu ana hili. Itabidi iwe ni kitu kilichotumwa kwetu kutoka kwa Mungu. Na Mungu ameahidi jambo hilo. Na jinsi pekee atakavyofanya jambo hilo, ni—ni kudumisha mtindo Wake ule ule. Aliahidi kututumia, katika siku hizi za mwisho, kulingana na Malaki 4, nabii juu ya nchi, "Ambaye angeigeuza mioyo ya watu, mioyo ya watoto iwarudie baba wa kimitume tena." Yeye aliahidi hilo katika Neno Lake. Luka 17 na mahali pengine pengi ambapo Yeye aliahidi jambo hilo, ya kwamba Yeye ... yale angefanya katika siku hizi za mwisho kulileta jambo hili kwenye Neno lililothibitishwa.

23 Unaona, mtu anaweza kusema cho chote, ila Mungu asipolifasiri hilo Neno ... Mnaona, sasa, tuna fasiri yetu wenyewe, tunasema linamaanisha hivi. Na hili, la Kimethodisti, linasema hivi, la Kibaptisti linasema hivi, la Kipentekoste lilisema hivi, la Umoja linasema hivi, la Uwili linasema hivi. Na, loo, jamani, haya basi. Lakini Mungu hahitaji mfasiri yeyote, Yeye ni mfasiri Wake Mwenyewe. Yeye hulifasiri Neno Lake Mwenyewe kwa kulithibitisha katika wakati huo ambao limekusudiwa, wakati ambao limetolewa.

Hatuishi katika wakati wa Kipentekoste, tunaishi katika wakati mwingine. Mnaona, hatuishi katika wakati wa Kimethodisti, tunaishi katika wakati mwingine. Tunaishi hapa juu kwenye wakati wa Bibi-arusi, kuitwa kwa Kanisa na kulikusanya pamoja kwa ajili ya Kunyakuliwa. Huo ndio wakati tunaishi sasa. Huo ndio wakati tunaishi. Kwa maoni yangu ya uaminifu hiyo ni Kweli kabisa.

24 Na Kitabu hiki ni kitabu cha unabii. Waamini wake wanaamriwa kukiheshimu na kukisoma, na kumwamini Mwandishi Wake, kwa maana kila Neno lililoandikwa mle ndani halina budi kutimia. Kila kitu kilichoahidiwa hakina budi kutimia, kwa sababu ni Yesu Kristo katika kila wakati. Yeye yule jana, ilikuwa ni Yesu Kristo, aliyekuwa katika Nuhu; ilikuwa ni Yesu Kristo katika Musa, ilikuwa ni Yesu Kristo katika Daudi, ilikuwa ni Yesu Kristo katika Yusufu; ni Yesu Kristo, yeye yule jana, leo, na hata milele. Na ni Yesu Kristo miongoni mwa watu Wake leo, akifanya mambo ambayo Yeye aliahidi angefanya katika wakati huu. Ni Yesu Kristo.

Lakini kanisa limekuwa kavu sana, mbali sana, kama yule ndugu alivyosema hapa. Na—na makanisa yetu yanakuwa vivyo hivyo, mpaka hatuna budi kuwa na kitu cha kututikisa turejee kwenye Neno.

Tunajuaje litafanya hivyo? Halina budi kuja kulingana na mpango wa Mungu Mwenyewe. Haliwezi kuletwa na mtu wa kawaida, halitaletwa na mfanabiashara, haliwezi kuletwa na makanisa. Mungu ameweka mpango Wake.

25 Nilizungumza hapa Shreveport hivi majuzi, kwenye matangazo ya kitaifa kote nchini, ya kwamba, Kujaribu Kumfanyia Mungu Kazi Bila Ya Kuwa Ni Mapenzi Ya Mungu. Daudi alijaribu kulirudisha sanduku la Mungu nyumbani. Yeye alikuwa ametiwa mafuta kuwa mfalme. Mbona, ali—aliwataka shauri wajumbe wa —wake, maakida wake wa maelfu, na makumi elfu, na kadhalika. Nao wote wakasema, "Hilo ni Neno la Bwana." Nao wakamshauri kuhani, "Hilo lilikuwa ni zuri sana." Ndipo wote wakavuviwa sana, wakapaza sauti, wakafanya kila tendo la kidini lililokuwapo. Na ilikuwa ni kinyume kabisa na mapenzi ya Mungu, kwa sababu kulikuwako na nabii katika nchi jina lake Nathani na hata hakutakwa shauri kuhusu jambo hilo. Mnaona? Nasi tuliona ya kwamba halikufanikiwa ingawa walikuwa waaminifu, wakijaribu kumtendea Mungu kazi.

26 Nawe unaweza kuwa mwaminifu sana; bali, mpaka tutakapojua tunalofanya, mnapigana na upepo. Rudini kwenye Neno la Mungu na mlainike sawasawa, kisha mwende; ndipo mnajua. Kama vile a—askari, hajui la kufanya mpaka apate amri ya kufanya jambo hilo. Inatupasa kuwa askari wa Kikristo, na kupata amri kutoka kwenye Biblia kwa ajili ya saa hii sasa; si maagizo ya jana, maagizo ya juzi, bali maagizo ya leo hii (njia tutakayopitia). Tupate kujua saa tunayoishi.

Matukio haya ya kisasa yanatupita kwa upesi kupita kiasi, na siku moja tutakuta kwamba tutaachwa nyuma bila chochote, na tushikwe, tutiwe muhuri kwa chapa ya mnyama kabla hatujajua.

27 Sasa, na kwa subira inatupasa kungojea jambo hili, kwa kuwa unabii ulioahidiwa, kila mmoja wao hauna budi kutimizwa katika wakati wake. Kwa kuwa linatutabiri, Mwandishi amekwisha kufanya jambo hili, nasi tunangojea kumwona akilifanya tena. Ni wakati ulioje tunaishi! Kitu kama ka—kalenda; unaangalia kalenda uone ni siku gani ya mwaka unayoishi, nawe unaangalia Biblia ya Mungu uone ni wakati gani tunaishi. Hatuishi katika wakati wa Kimethodisti, wakati wa Kibatisti. Tunaishi katika wakati wa Bibi-arusi, kule kuitwa, kurudishwa kwa Mungu kupitia kwenye mkondo ambao Yeye aliahidi kulirudisha. Yeye aliahidi kufanya hivyo.

Lakini kama ilivyokuwa katika kila wakati, watu wanamwacha mwanadamu aweke fasiri yake mwenyewe Kwalo kwa theolojia, wala hawataamini thibitisho la Kiungu la Mungu la jambo Hilo (hiyo ni kusema, fasiri ya Mungu); si yale ninayosema, yale mtu mwingine anayosema; bali ni yale Mungu ameahidi na yale Mungu anayofanya, yanathibitisha ya kwamba ni Mungu anayejifasiria Mwenyewe Neno Lake.

28 Waliwaambia ninyi Wapentekoste, miaka arobaini na mitano, hamsini iliyopita. Mama zenu na baba zenu, wakati walipokuwa wapentekoste halisi, walitoka kwenye madhehebu na wakalaani kitu hicho na wakatoka humo. Basi kama mbwa kwenye matapiko yake, moja kwa moja mkarudi ndani yake tena. Mkafanya jambo lile lile lililoliua kanisa hilo, mlijiua kwa kitu kile kile. Sina kitu dhidi ya watu walio mle ndani, sina kitu dhidi yake, ni mifumo ya kitu hicho ndiyo inayofanya jambo hilo.

Nyumbani, mimi ... kwenda nyumbani ... Mimi sihubiri jambo hili katika mkutano wa mtu mwingine. Nitahubiri Njia ya Nyoka, na muusikilize kama mkizichukua hizo kanda.

29 Na, angalia, walikosa kuona thibitisho la unabii wa Neno la Mungu likitimizwa. Kama hao makuhani ... Walikuwa wameiweka sawa kabisa jinsi Masihi atakavyokuja, walijua kitakachotukia. Ma—Mafarisayo walikuwa na wazo lao, Masadukayo, Waherodi, na wote, walikuwa na mawazo yao. Lakini Yeye hakuja ... Yeye alikuja kinyume na kila mmoja wao, bali kulingana na Neno kabisa. Yesu alisema jambo lilo hilo lilikuwa lipo hapa: "Kama mngalinijua Mimi, mngaliijua na siku Yangu. Kama ungalijua, ungeninii ... Mnasema, 'Vema, Musa! Tunaye Musa.'" Kasema, "Mbona, kama mngalimwamini Musa, mngaliniamini Mimi; kwa sababu, yeye aliandika habari Zangu."

Lakini, unaona, wakati Mungu alipokuwa akithibitisha yale hasa aliyokuwa ameahidi, walikuwa wamejipangia njia fulani ya heshima ambayo Yesu alipaswa kuja, na ninii... Ninamaanisha Masihi. Ilibidi Masihi aje moja kwa moja kwenye kundi lao la sivyo hakuwa Masihi. Vema, ndivyo ilivyo, ni karibu hivyo, siku hizi, "Kama huoni kupitia kwenye miwani yangu, huangalii hata kidogo." Mnaona, na kwa hiyo hivyo—hivyo ndivyo ili—ilivyo tu. Sisi ... Hiyo ni kweli. Tunachukia kuwazia jambo hilo, bali ni Kweli kabisa.

30 Katika Waebrania 1:1, Mungu kwa sehemu nyingi aliandika Biblia kwa njia Yake Mwenyewe aliyoichagua. Hakuiandika kamwe kwa wanatheolojia, wala halifasiri kwa wanatheolojia. Kamwe hapajakuwako na wakati ambapo—ambapo wanatheolojia walipata kuwa na fasiri ya Neno la Mungu. Fasiri huja tu kwa nabii. Na njia pekee tutakayoweza kutoka kwenye mchafuko huu ni Mungu kututumia nabii huyo, kweli kabisa, njia pekee tu litakavyofanywa. Imeaminiwa, imetazamiwa, na—na kutimizwa.

Mnaona, haikuandikwa na mwanadamu, bali iliandikwa na Mungu. Si kitabu cha mwanadamu, si kitabu cha wanatheolojia. Ni Kitabu cha Mungu, ambacho ni Kitabu cha unabii kilichoandikwa na manabii na

kufasiriwa na manabii. Biblia ilisema, "Neno la Bwana huwajia manabii." Kweli kabisa!

31 Namna hilo lilivyooneshwa vizuri, ama, lilidhihirishwa wakati Yesu alipokuja duniani, naye Yohana alikuwa ndiye nabii wa siku ile, na yeye—yeye alikuwa akitabiri. Wao wakasema, "Loo, unataka kusema ya kwamba Mungu atayaangamiza mashirika yetu makubwa hapa na vitu hivi vyote? Na kutakuwako na wakati, ambapo letu—hekalu letu halitaabudiwa tena?"

Akasema, "Wakati ulikuwa unakuja ambapo Mungu angetoa dhabihu ya Mwana-Kondoo wa Mungu, mwanadamu." Naye akasema ya kwamba—ya kwamba yeye angemjua wakati atakapokuja. Naye akasema ... Alikuwa na hakika sana na ujumbe wake, akasema, "Yeye anasimama moja kwa moja miongoni mwenu sasa na hamjui." Yeye yuko moja kwa moja miongoni mwenu na hamjui.

Na siku moja wakati Yesu alipotoka, Yohana aliangalia juu na kuona ishara hiyo juu Yake, alisema, "Tazama, Mwana -Kondoo wa Mungu aichukuaye dhambi ya ulimwengu." Dakika ile ile Yesu alijua basi ya kwamba Yeye alithibitishwa mbele ya watu. Sasa, Yeye alikuwa ni Neno, tungelitilia shaka jambo hilo? Biblia ilisema Yeye alikuwa Neno, "Hapo mwanzo kulikuwako Neno, naye Neno alikuwako kwa Mungu, naye Neno alikuwa Mungu. Naye Neno alifanyika mwili akakaa kwetu." Naye huyu hapa, ninii ... Hili hapa Neno duniani (angalia! Kikamilifu!) Linakuja moja kwa moja majini kwa nabii.

32 Hiyo ni kweli, Neno daima humjia nabii Wake. Kwa hiyo hatuwezi kulitarajia kuwajia wanatheolojia. Hatuwezi kulitarajia kuja kwenye madhehebu. Halina budi kupitia kwenye njia ya Mungu ambayo alitutabiria, na hivyo ndivyo tu litakavyopata kuja. Litachukiwa, litadharauliwa, litakataliwa. Litakapokuja, litatupwa kando, na kila kitu, bali Mungu atafanya hivyo haidhuru. Lilikataliwa katika Yesu Kristo, lilikataliwa katika Yohana, lilikataliwa na Yeremia, lilikataliwa na Musa. Daima iko hivyo. Lakini Mungu anasonga mbele moja kwa moja katika njia ambayo Yeye aliahidi angefanya jambo hilo. Naam, bwana, Yeye hashindwi kamwe kufanya jambo lile lile.

33 Mtu ambaye ameona lile ono ama kusikia sauti Yake, kamwe hakulielewa kabisa. Katika visa vingi yeye hakujua, kwa sababu yeye ni chombo tu cha Mungu. Ni mawazo ya Mungu yanayotamkwa kupitia midomo ya mwanadamu; wazo, bila shaka, ni neno lililotamkwa. Mungu hujichagulia Mwenyewe kwa kuchagua Kwa—Kwake tangu zamani. Yeye alifanya hivyo katika kila wakati, Yeye alimweka mtu kwa ajili ya kila wakati. Kama vile kwa Musa, wakati alipokuwa atimize yale aliyomwambia Ibrahimu. Musa alizaliwa akiwa mtoto mzuri, asingeweza kujizuia kuwa hivyo. Alizaliwa hivyo kwa sababu alizaliwa kwa kusudi hilo.

Na kwa hiyo tunaona ya kwamba Mungu hufanya hivyo katika kila wakati. Mungu hujichagulia Mwenyewe kwa kuchagua Kwake alikokusudia tangu zamani, anawachagua manabii Wake na kadhalika kwa ajili ya wakati huo; anaandaa—anaandaa tabia yake, tabia ya mtu huyo, mtindo wa mtu huyo wa kuhubiri, kuhusu karama zao na yote afanyayo, yanakabiliana na changamoto ya siku hiyo. Mungu humwumba mtu huyo na kumtuma. Na katika nia Yake mwenyewe, kama nilivyohubiri jana usiku, sisi ni chembechembe hai ya jeni ya Mungu. Yeye alijua ya kwamba mwanadamu angekuwako katika wakati huo, kabla ya kuwako na molekuli, ama nuru, ama cho chote kile duniani.

34 Kwa kuwa wewe ni jeni ya baba yako, nawe ulikuwa ndani ya baba yako, hata hivyo baba yako hakuwa na ushirika nawe kwa sababu yeye ... Ulikuwa mle ndani, bali hukujua jambo hilo wala yeye hakulijua, bali ulidhihirishwa upate...apate kufanya ushirika pamoja nawe. Nawe kwa kuzaliwa mara ya pili, unazaliwa kwa Uzima wa Milele. Na hiyo ndiyo aina pekee ya Uzima wa Milele, na huo ni Uzima wa Mungu. Zoe, neno la Kiyunani ni "Zoe," aina moja tu ya Uzima wa Milele.

Basi kama wewe ni mwana wa Mungu au binti wa Mungu, ulikuwa katika Mungu wakati wote. Lakini Yeye alijua utapandwa kwenye tuta gani na katika wakati gani. Kwa hiyo sasa umefanywa kiumbe, mwana wa Mungu, mwana ama binti wa Mungu aliyedhihirishwa kukabiliana na changamoto ya wakati huu kumthibitisha Mungu wa kweli aliye hai wa wakati huu, Ujumbe unaokuja katika wakati huu. Hiyo ni kweli! Ulikuwapo pale kabla ya kuwekwa misingi ya ulimwengu. Kama haikuwa ... Kama hukuwa umechaguliwa namna hiyo, haidhuru utajaribu kugiza Huo, hutaweza kamwe. Unawezaje kupata damu kutoka kwenye tanipu wakati hakuna damu mle?

35 Hiyo ndiyo sababu ninajaribu kusema kuhusu ... Hiyo ndiyo sababu ninajaribu kusema kuhusu...Watu wakifikiri tulikuwa...tunawakemea wanawake kuhusu nywele fupi, na watu wakiniambia kuhusu kusema mambo hayo, "Utaiharibu huduma yako." Nitaharibu huduma ambayo Mungu Mwenyewe aliweka? Hasha! Na wakati watu wanapolisikia Neno la Mungu ... Wakati mtoto mchanga anapotungwa mimba katika tumbo la uzazi la mama, wakati seli hiyo moja inapoingia mle ndani, seli nyingine hujengwa juu ya hiyo. Si seli moja ya mwanadamu, na nyingine ya mbwa, na nyingine ya paka, na hiyo nyingine ya kitu kingine; Na wakati mtu anapozaliwa kwa Roho wa Mungu, yeye haingizi kitu cho chote maishani mwake, ni Neno la Mungu lisiloghoshiwa lililothibitishwa kwa ajili ya wakati huo. Yeye huchukua Neno kamili la Mungu, hawekei kanuni za imani, hakuna kitu kingine ndani Yake. Ni Neno safi la Mungu lisiloghoshiwa, lililodhihirishwa miongoni mwetu

36 Angalia katika Biblia, unaona ambapo, ni wakati gani tunaishi wakati huo, unapona mambo haya

makuu yakidhihirishwa. Wakati Mungu alipoahidi kufanya jambo hilo, Yeye daima hufanya jambo hilo mwishoni mwa kila wakati kanisa linapofikia mahali pa kugeukia, nalo linageuzwa kutoka kwenye Neno linaingia katika dhambi na anasa. Anasa ni dhambi. Biblia ilisema, "Ukiipenda dunia au mambo ya dunia, kumpenda Mungu hata hakumo ndani yako."

Nikizungumza jana usiku, nilikuwa nikizungumza juu ya—ya dhabihu iliyotolewa, Mwana -Kondoo. Ilikuwa iwe ni siku saba, ikiwakilisha zile nyakati saba za kanisa. Haikupaswa kuwepo na chachu iliyopatikana miongoni mwa watu, hakukuwapo na chachu kwa muda wa siku saba. Hiyo inamaanisha ya kwamba hakuna kitu kilichochanganywa Nayo, haijatiwa chachu, kila kipindi. Wala hatutaki kanuni zozote za imani, chachu na kadhalika kuchanganywa nasi. Hatutaki tuchanganywe na ulimwengu. Haina budi kuwa ni Mkate wa Mungu usiotiwa chachu, Neno la Mungu, Neno la Mungu lisiloghoshiwa, ambalo, "Mtu ataishi kwa kila Neno litokalo katika kinywa cha Mungu."

37 Mifumo yetu ya kimadhehebu, na tofauti na kadhalika, imeweka chachu ndani yetu, na hiki na kile na ulimwengu na mtindo. Na, loo, imefikia mahali ambapo karibu ni Hollywood kila mahali. Hatimaye itakuja mpaka iwe ni kama Uingereza kule, wito wa madhabahuni utaonewa aibu. Jamani! Kama ndugu alivyosema, "Unawezaje kupata samaki katika mtumbwi?" Hiyo ni kweli.

Hatuna budi kuhubiriwa Injili katika utimilifu Wake, kwa nguvu za Mungu kuthibitisha hilo kulingana na ahadi ya wakati huo na kuthibitisha ya kwamba hayo hasa ni mapenzi ya Mungu. Nje ya jambo Hilo wewe ni mfuasi tu wa kanisa, haidhuru unajaribu jinsi gani, unajaribu kumfanyia Mungu kazi. Unaweza kwenda kwenye karamu za anasa, huenda ukawa mwaminifu sana kwa kanisa; bali isipokuwa hiyo chembechembe hai ya Uzima wa Milele iwe ilikuwa imechaguliwa awali ndani yako, kuwa mwana ama binti ya Mungu, utakua ukiwa kitu fulani kilichoumbuka; bali kamwe hutakuwa mwana ama binti halisi, wa kweli, wa Mungu.

38 Mara nyingi mimi husimulia hadithi yangu ndogo ya kifaranga cha tai. Jinsi ambavyo mkulima alivyomweka kuku wakati mmoja, naye alikuwa ... Natumaini halisikiki la kukufuru kwenu. Lakini mkulima alimweka kuku, naye alikuwa ... alikosa yai moja katika kuatamia. Nina shaka kama mtu yeyote hapa anajua mayai ya kuatamisha ni kitu gani, kwamba huwa na mayai mangapi. Lakini, hata hivyo, alikosa yai moja, hakuwa na ya kutosha. Kwa hiyo akaiba kwenye kiota cha tai, alikuwa na mayai mawili. Naye akaweka yai chini ya kuku.

Wakati yule tai alipoanguliwa miongoni mwa hao kuku wote, yeye alikuwa ni ndege wa kuchekesha. Asingeweza kufahamu kelele za kuku huyo, hakuzungumza kama nanii wake...kama alivyotaka kumsikia akizungumza. Naye akachakura katika kitalu, na akala toka kwenye kitalu, hakikuwa ni chakula chake. Yeye alikuwa kifaranga cha kuchukiza miongoni mwao. Huyo kuku angelia wala yeye hakuelewa hayo. Kuku angeenda hivi na kula hiki na kula kile, yeye hakufahamu jambo hilo. Kwa hiyo siku moja mama yake, ama mama yake, hasa, kwako. Mimi ... Huko Kusini tunasema "Mama."

Kwa hiyo, haidhuru, yeye...mama ya—ya—yake alijua alikuwa na mayai mawili, na ni moja tu kati ya hayo lilikuwa pale, akaenda kulitafuta hilo lingine. Alizunguka kila ... akavuka nchi, na hatimaye akaruka juu ya kitalu. Alimwona kule chini akimfuata masikini yule kuku. Akapaza sauti, "Kadogoo! Wewe si kuku, wewe ni tai!" Hilo lilisikika sawa kwake. Kwa nini? Yeye alikuwa tai kwanza.

39 Na wakati mwanamume ama mwanamke ameketi chini ya kanuni za imani na dini baridi, ya kawaida, kama amechaguliwa kuwa mwana wa Mungu, naye anaona Neno la Mungu likihubiriwa katika nguvu Zake, na Mungu akilithibitisha; kwanza yeye ni tai, atakimbilia Kwake hakika kama vile mbili mara mbili ni nne. Hawezi kujizuia, kwa sababu tabia yake yenyewe inalipenda Neno la Mungu. Sijali yale mtu mwingine yeyote anayosema, wakati anapoliona Neno la Mungu likidhihirishwa, yeye anaruka kuliendea kwa sababu yeye alikuwa tai mdogo.

Wanapoendelea kusema, yeye alisema, "Mama, nitapandaje kutoka hapa?"

Naye akasema, "Ruka tu, nitakushika."

Hilo ndilo jambo tu unalopaswa kufanya, ni kuruka mara moja usimame kwa miguu yako, mruko mmoja kwa Mungu, ahadi moja, "Bwana Yesu, ninakuamini kwa moyo wangu wote. Ninaamini Ujumbe wa wakati huu. Ninauona ukithibitishwa, na ninajua ni wa kweli." Ruka kwa miguu yako, Mama atakushika. Usijali, wewe ni tai, atakuwa moja kwa moja pale kukuchukua.

40 Sasa, tunatambua ya kwamba tunaishi katika wakati wa kutisha sana na wakati mkuu, lakini wakati kweli za Biblia hii, waaminio wameona hilo limethibitishwa, thibitisho Lake lenyewe hasa ni thibitisho ya kwamba Mungu yumo ndani Yake. Kabisa! Ndipo basi Neno lililoahidiwa, ambalo Mungu aliahidi, linajulikana. Mbegu imepasuka, nao wanaiona na wanaiamini. Wengine hawawezi kuliona, kwa namna fulani wataketi na kuliangalia.

Mnajua, nimehubiri kwa nguvu vya kutosha ku—ku...kote humu nchini, hivi kwamba hakupaswi kuwako na mwanamke mwenye nywele fupi nchini. Lakini, kila wakati, ninaporudi, kuna wengine zaidi.



Kuna nini? Kuna kasoro! Unajua Neno linasema hivyo! Unasema, "Vema, hilo halileti tofauti yoyote." Inaleta tofauti!

41 Kuna ndugu mzuri, aliyesema, "Nitakuwekea mikono, Ndugu Branham. Ninakupenda. Unaharibu huduma yako." "Si kazi yako kuwaambia hao wanawake juu ya jambo hilo." Kasema, "Acha wachungaji wawaambie."

Nikasema, "Hata hivyo hawafanyi hivyo." Nikasema, "Sasa ..."

Akasema, "Vema, si kazi yako, wewe waombe tu wagonjwa."

Nikasema, "Ni kazi ya nani, basi? Niliitwa kuhubiri Injili."

Kasema, "Nitakuwekea mikono na kumwomba Mungu aiondoe, basi."

Nikasema, "Uta—utaniruhusu nikuwekee mikono, pia." Mnaona? Nami nikasema, "Nitaomba ya kwamba Mungu atayafungua macho yako nawe utalionga." Kwa hiyo, hiyo ni kweli!

Akasema, "Unapaswa kuhubiri ... Watu wanakuamini wewe kuwa mtumishi, nabii wa Mungu." Yeye alisema, "Unapaswa kuwafundisha hao wanawake jinsi ya ku—kupata karama kuu na kutabiri na kadhalika."

Nikasema, "Ninawezaje kuwafundisha aljebra wakati hata hawataamini ABC zao, kwanza?" Mnaona? Hiyo ni kweli. Kwa hiyo huwezi kufanya hivyo. Hiyo ni katika kila ... Hiyo ni kweli. Kama huwezi kufanya mambo ya kawaida, utafanyaje mambo ya kiroho? Mambo ya kawaida. Hakika! Ndugu, dada, huenda ikasikika kama mzaha, bali ni Injili! Ni Kweli ya Injili. Hiyo ni kweli!

42 Angalia, tunaona leo ya kwamba watu ... Kuna watu wengi hawawezi kuliadini, hata watu waliojazwa na Roho. Nitawapa moja itakayokukaba koo. Ubatizo wa Roho Mtakatifu haumaanishi unaingia, hata kidogo, si juu ya jambo hilo, hauna uhusiano wowote na nafsi yako. Huo ndio ubatizo, unaona. Hii hapa nafsi ya ndani, humu ndani, hiyo inabidi itokane na Mungu. Lakini basi upande wa nje una hisi tano, na tano nje...milango ya kuingia kwenye ninii yako...kuwasiliana na nyumba yako ya duniani. Upande wa ndani, una roho, na mle ndani una milango mitano: dhamiri yako, na upendo, na kadhalika, milango mitano ya kuingia kwenye hiyo roho. Kumbuka, katika roho hiyo unaweza kubatizwa kwa Roho halisi wa Mungu na hata hivyo upotee. Ni hiyo nafsi iliyo hai, ndiyo iliyochaguliwa na Mungu.

Hivi Yesu hakusema, "Wengi watakuja Kwangu siku hiyo, na kusema, 'Bwana, sijatoa pepo, nikafanya kazi kubwa, kubwa mno, nikatabiri, zile karama kuu za Mungu?'" Yeye alisema, "Ondokeni Kwangu, ninyi mtendao maovu, hata sikuwajua ninyi kamwe. Wengi watakuja siku hiyo."

43 Hivi Kayafa hakutabiri? Yeye alikuwa ni ibilisi. Tunaona hapo... Tunaona hapo...Na hao makuhani, hao watu wakuu, waliodhaniwa kuwa ni watu mashuhuri katika siku hizo, wanyenyekevu na chochote kile, bali wakashindwa kuona Neno la Mungu Lenyewe likidhihirishwa mbele zao.

Tungeweza tu kuchukua lundo lao nililoandika hapa. Vipi kuhusu Balaamu? Yeye alikuwa ... Unasema, "Mungu hubadilisha nia Yake." Yeye habadilishi nia Yake!

Wakati Balaamu alipotoka kama nabii, na akashuka akaenda kule, askofu, mhubiri, cho chote unachotaka kumwita, yeye alikuwa ni mtu mashuhuri. Lakini wakati alipomtaka Mungu shauri kuhusu kushuka kwenda kule na kuwalaani Israeli; yeye kwanza hakuwapenda. Kwa hiyo wakati alipoomba kwenda, Mungu alisema, "Usiende!"

Ndipo wakamtuma mheshimiwa mmoja, kundi fulani, baadhi yao labda ni maaskofu ama wazee, ama wowote wale, huko chini, elimu zaidi, kumshawishi. Alirudi na kumwuliza Mungu tena. Haikupasii kumwomba Mungu mara ya pili! Mungu anaposema jambo hilo kwanza, hilo ndilo! Haikubidi kungojea chochote.

Rebeka hakungojea kupata utaratibu wa pili. Walimwuliza, wakasema, "Je! Utaenda?"

"Hebu aseme."

Akasema, "Nitaenda!" Alikuwa amevuviwa kabisa na Mungu. Akawa mmoja wa malkia wa Biblia kwa kutenda kwa mdundo wa Roho wa Mungu aliyetenda kazi juu yake na kupokea kile kilichokuwa ni kweli kabisa, naye akakiadini.

44 Sasa tunaona, Balaamu, bila shaka, asingeweza kuona. Yeye alitoka akaenda akawaangalia watu, akasema, "Sasa, hebu kidogo! Sisi ni watu wakuu, mashuhuri sana huku, ninyi ni kundi tu lililotawanyika." Mnaona? "Na sisi sote—sote tunamwamini Mungu yule yule."

Hiyo ni kweli. Wote walimwamini Mungu yule yule. Wote wanamwabudu Yehova. Angalia sadaka ya Balaamu: madhabahu saba, namba kamili ya Mungu; yale makanisa saba, unaona; kondoo dume saba,

zikinena juu ya kuja kwa Bwana. Kimsingi, yeye alikuwa wa kimsingi tu kama Musa alivyokuwa; lakini, unaona, hapakuwapo na thibitisho la Kiungu. Mle ndani, wote wawili walikuwa manabii.

Lakini chini ya huduma ya Musa, kulikuwako na Nguzo ya Moto ya kimbinguni, Nuru iliyoning'inia kambini. Kulikuwako na uponyaji wa Kiungu, kulikuwako na kelele za Mfalme kambini, ishara kuu, uponyaji wa Kiungu, na maajabu na kadhalika yaliyofanywa miongoni mwao. Ilikuwa ni ishara ya Mungu aliye hai miongoni mwa watu Wake.

Kimsingi, wote wawili walikuwa sahihi. Basi Balaamu akajaribu kuwashawishi watu, naye akawaloga akawaingiza katika jambo hilo. Lini? Kabla tu hawajafika kwenye Nchi ya Ahadi. Siku nyingine moja ama mbili, wangukuwa katika Nchi ya Ahadi.

45 Lakini sasa ninaogopa ... Hili ni tamshi gumu kutamka, moja ya siku hizi nitapigwa risasi kwa ajili ya Hilo. Lakini kumbukeni jambo hili, ya kwamba, makanisa yanalogwa na Halmashauri hii ya Ekumeni, anawaingiza moja kwa moja ndani yake, kusema "Ninyi ni kundi moja." Ninyi si kundi moja! Tokeni kwenye upuuzi huo mkatengwe nao! Hakika ni, Ni kweli. Tunapaswa kukaa mbali na upuuzi huo, mbali kadiri uwezavyo.

Balaamu alisema, "Sisi ni...hebu na tuwaruhusu watoto wetu waoane kwa sababu, hata hivyo, tunamwamini Mungu yeye yule."

"Watu wawili wanawezaje kutembea pamoja wasipopatana?" Unawezaje kutembea na Mungu usipokubaliana na Neno Lake? Unawezaje kuongeza kanuni za imani na kadhalika Kwalo, wakati umechaguliwa usifanye hivyo, ama, umeamriwa usifanye hivyo? Huwezi kufanya hivyo. Hakuna njia ya kufanya jambo hilo, ndugu, dada. Huwezi kuchanganya hiyo chachu na yasiyotiwa chachu. Mafuta na maji hayatachanganyikana. Giza na nuru havitachangamana. Nuru ina nguvu sana, inazima tu giza.

46 Na kwa hiyo hatuwezi kuzichanganya pamoja. Wala huwezi kuchanganya dhambi na ulimwengu pamoja. Huwezi kuchanganya Kanisa na madhehebu pamoja. Huwezi kuchanganya Kanisa na kanuni ya imani pamoja. Huwezi kuchanganya ulimwengu na Injili pamoja. Havitachangamana! "Tokeni kati yao, mkatengwe nao," asema Mungu, "Nitawakaribisha Kwangu. Mtakuwa wana Wangu na binti Zangu, Nitakuwa Mungu kwenu." Hatuwezi kamwe kufanya hivyo mpaka mambo haya yamedhihirishwa, na Neno la Mungu kwa ajili ya wakati huu limethibitishwa kuwa ni Kweli. Fuata nyayo.

47 Pentekoste, hiyo ndiyo sababu Luther alipoteza ujumbe wake. Hivyo ndivyo Wesley alivyopoteza ujumbe wake. Mnaona, kama kanisa la Wesley lingeendelea, wangukuwa ni Wapentekoste. Kama Walutheri wangeendelea, wangukuwa Wamethodisti. Mnaona? Sasa kama Wapentekoste wakiendelea mbele, itakuwa ni Bibi -arusi. Kama mkirudi nyuma na kuendelea kurudi ulimwenguni kama mnavyofanya sasa, mtapotea! Itakuwa tu kapi, na shina litachomwa moto. Tunajua jambo hilo. Atakusanya ngano Yake ghalani. Lakini maganda atayateketeza kwa moto usiozimika, ingawa lilikuwa ni bebaji. Hakika iliubeba. Lakini huo Uhai uliondoka mara tu ulipofanyika jani, uliendelea kufanya kitu kingine mpaka ukafikia kiwango chake kikamilifu.

Na vivyo hivyo Kanisa litakuja kupitia Kuhesabiwa Haki, Kutakaswa, Ubatizo wa Roho Mtakatifu (kurudishwa kwa karama), moja kwa moja katika sura iliyoumbwa ya Kristo. Kristo ni Bwana Arusi, Kanisa ni Bibi -arusi, na Bibi -arusi ni sehemu ya Bwana Arusi. Litapaswa kuwa ni Kanisa la Neno, si kanisa la kimadhehebu. Itabidi liwe ni Kanisa la Neno, Neno lililotambulishwa, na kwa Neno la Mungu lililothibitishwa.

48 Balaamu, asingeweza kuona tofauti. Wengi hawawezi.

Farao hakuweza kuliona Hilo, ingawa lilithibitishwa papo hapo mbele zake.

Dathani hakuweza kuiona. Dathani alitoka akaja pale nje, naye akamwona Musa na akajua. Alitoka akaenda nje kule, akasema, "Unajaribu kuwazia wewe ndiwe uliye peke yako kwenye kundi lile. Kusanyiko lote ni takatifu!" Mungu kamwe hajawahi kushughulika jinsi hiyo. Yeye alipaswa kujua vizuri zaidi ya hayo. Naye akasema, "Vema, kusanyiko lote ni takatifu. Unajaribu kujifanya ..." Kama tungalilisema siku hizi, maneno ya mtaani, "Changarawe pekee ufukoni."

Naye Musa alijua ya kwamba Mungu alikuwa amemtuma kule chini kwa ajili ya jambo hilo. Yeye alisema tu, "Bwana ..." alianguka m—mlangoni mwa maskani.

Ndipo Mungu akasema, "Jitenge naye." Naye akawameza.

49 Basi kumbukeni, ile dhambi ambayo Israeli ilifanya (kwa Balaamu kusema, "Wote tu kitu kimoja."), dhambi hiyo kamwe haikusamehewa Israeli. Basi angalieni, hebu niwape umbo la kushangaza; kati ya milioni mbili walioondoka Misri, wawili wao waliingia katika Nchi ya Ahadi. Kila mmoja wao alikula kitu kile kile, wote walicheza katika Roho, wote walikuwa na kila kitu shirika; bali ilipofikia wakati wa utengano, Neno lilitenganisha. Ndivyo ilivyo leo! Neno lilitenganisha! Wakati ulipowadia, akasema, "Mbona, hapa, tuna ..."

Zitafanana sana, angalia, Biblia ilisema, "Katika siku za mwisho roho hizo mbili," Mathayo 24:24, "zingefanana sana, ingewapoteza walio Wateule kama yamkini." Hilo kapi linafanana kabisa na ngano, bali si ngano. Mnaona? Si ngano, bali inafanana kabisa nayo. Mnaona? Zitafanana sana, ingewapoteza walio Wateule. Mliunda dhehebu na mkaanguka ndani ya dhehebu hilo, na mkakauka na mkafa, nayo ngano ikasonga mbele moja kwa moja kupitia kwa... Mnaona? Hiyo ni kweli kabisa! Ni mbebaji, bali si ngano.

Kumbukeni, ngano inasonga tu mbele. Katika ufufuo nguvu hizo zote za ngano zitapanda moja kwa moja ziingie kwenye hiyo ngano, inapoenda kufanyiza kichwa, ipate kutokea katika ule ufufuo mkuu.

Kamwe haikusamehewa!

50 Hebu na tusimame hapa kwa muda kidogo tu. Ninatumaini siwakabi roho. Lakini, angalia, hebu niwaulize jambo fulani. Hebu na tuchukue tu hilo. Tuseme, kwa mfano, hesabu hii ingekuwa ni sahihi. Wakati mbegu kutoka kwa dume na kwa jike inapokuja, kama uliwahi kujua tesitubu ama—ama kuzalishwa na kadhalika kwa ng'ombe, utakuta kwamba ule mshuko kutoka kwa dume hutoa karibu mbegu milioni moja. Na mshuko kutoka kwa jike hutoa mayai milioni moja. Lakini ulijua kuna moja tu kati ya hayo ambalo libarutubika? Hao ndama wadogo, ama chochote walicho, katika mamilioni haya ya seli zazi hizi hai, seli zazi hai milioni moja, kutakuwa na maskini seli zazi ndogo moja hai itakayojitokeza miongoni mwa hizo seli zazi hai zingine na kwenda moja kwa moja kule na kulipata hilo yai lililorutubishwa na kujipenyeza ndani yake, halafu hizo zingine zinakufa. Moja ya hizo imechaguliwa kupata uhai, hizi zingine hazijachaguliwa, ingawa zote zinafanana. Mmoja kati ya milioni moja!

Vipi kama ingekuwa hivyo usiku wa leo? Kuna Wakristo milioni mia tano, inavyodhaniwa, nafikiri, Wakristo ulimwenguni, karibu idadi hiyo, hesabu ya kukadiria tu. Kama Unyakuo ungekuja usiku wa leo basi, katika walio hai watakoondoka, kungekuwa tu na watu mia tano. Vema, kuna kiasi hicho kinachokosekana kila siku, karibu kiasi hicho, ambao hawajui waliko. Bibi-arusi atachukuliwa nasi tutashangaa yote hayo yanahusu nini; na watu wakiendelea moja kwa moja kuhubiri, wakisema "wanapata hiki, na kile, na kinginecho," na hebu angalia ingekuwa ni udanganyifu wa namna gani. Tuseme kama ingekuwa hivyo; sisemi ndivyo ilivyo, sijui mimi, mimi si bingwa wa jambo hilo. Mungu ndiye Hakimu wa hilo. Mungu ndiye Hakimu wa jambo hilo. Lakini angalia jinsi inavyoweza kutendeka kwa urahisi, katika takwimu zote na kadhalika, jinsi inavyoweza kuthibitishwa.

51 Kwa nini Kora hakuona jambo Hilo? Kwa nini Dathani hakuona jambo Hilo?

Kwa nini Ahabu hakuliona? Wakati Ahabu ... Wakati Yehoshafati aliposhuka kwenda kwa Ahabu, alisema, "Ahabu, tuko katika shida. Je, unajua Mungu alitupa nchi hii, Yohua akaigawanya? Unajua kipande hiki cha ardhi hapa juu ambacho Waashuri wamekichukua, hicho si ni nchi yetu?"

"Naam!"

"Watoto wetu wana njaa, na Waashuri (adui wetu) wanawalisha watoto wao, wakijaza matumbo yao kwa ngano inayopaswa kuwa yetu." Hilo ni sahihi kimaandiko. Kasema, "Je! Utanisaidia kwenda kule na kuchukua hiyo?"

Sasa, wakati mwingine mtu mzuri chini ya ushawishi wa uovu atakubali kushindwa. Heri mwe waangalifu, enyi kanisa, angalieni kwa makini sana.

52 Sasa, muda si muda mnajua, Yehoshafati, akiwa mtu mashuhuri wa dini, alisema, "Vema, inatupasa kupanda kwenda, hakika, kanisani kwetu, sisi sote ni mtu mmoja." Bali hawakuwa ni kitu kimoja! La! Yeye alisema, "Vema, kanisa letu ni kanisa lenu, watu wetu ni watu wenu. Hakika, tutaenda," akasema, "bali hebu na tumtake Bwana shauri kwanza."

Kwa hiyo akasema, Ee Ahabu, "Hapana shaka, ilitubidi kuwazia juu ya jambo hilo. Vema, tutaninii ..."

"Je! Kuna nabii wa Bwana?"

Kasema, "Nina seminari nzima iliyojaa hao. Nina mia nne hapa chini, walio bora sana wawezao kuwapo. Wote wana Ph.D., L.L.D., zao, L.D. maradufu zao, na chochote kile kinachoambatana nazo. Kila mmoja wao ..." Kila mmoja wao..." Sasa kumbukeni, walikuwa ni manabii wa Kiebrania, kutoka katika shule ya manabii.

Kasema, "Walete, hebu tuwasikie."

53 Sasa, ninaamini ilikuwa ni Zedekia (yule kiongozi mkuu juu ya askofu, wote) aliyekuja pale, naye alikuwa na uvuvio. Alikuwa na uvuvio, hakika. Alikuwa kule, na akajifanyia pembe mbili kubwa za chuma. Akasema, "Mnajua, BWANA ASEMA HIVI, 'Utachukua pembe hizi na kuwasukuma Waashuri watoke nchini.'"

Vema, hao wengine wote walitabiri, "Hiyo ni kweli kabisa!" Kila mmoja wao, seminari nzima, inakubaliana. Mnaona?

Ahabu akasema, "Unaona?"

Yehoshafati, kwa namna fulani akiwa ni wa kiroho, mnajua, hakuwa amekauka kabisa, akasema, "Lakini je! hakuna tu mwingine kabisa mahali fulani, ambaye tungeweza kumtaka shauri?"

"Unataka kuwataka wengine shauri kwa nini, wakati Ekumeni yote (halmashauri yote), inasema 'Ni sawa?'" (Samahani, mnaona.) "Kitu hicho chote kilisema, 'Hivyo ndivyo tunavyopaswa kufanya.'" Mnaona? "Hivyo ndivyo tunavyopaswa kufanya."

Akasema, "Lakini hivi hakuna mwingine mahali fulani?" Yule wa kipekee, mwajua.

Yeye alisema, "Naam, yupo. Kuna mmoja, Mikaya mwana wa Imla, lakini ninamchukia." Daima ndivyo ilivyo. "Ninamchukia kwa sababu yeye daima anawakemea watu wetu, na kunilaani mimi, na kuniambia maovu yote juu yangu. Ninamchukia mtu huyo!"

Kasema, "Aha, usimruhusu mfalme aseme hivyo." Kasema, "Nenda kamlete."

54 Kwa hiyo wakaenda kule kwa mwana wa Imla, baadhi ya hao—hao maaskofu, ama, baadhi ya wazee, nao wakaenda kule, kasema, "Sasa, hebu sikiliza, je! unataka kurudi kwenye dhehebu tena? Wewe sema neno lile lile wanalosema, watakurudisha."

Lakini ilitokea ya kwamba Mungu alikuwa na mtu ambaye wasingeweza kuweka mikono yao juu yake; Mungu alikuwa ameweka mikono yake juu Zake. Yeye alikuwa mwakisi tu wa Kweli ya Mungu. Kasema, "Hakika," kasema, "nitashuka niende kule chini, bali nitasema tu yale Mungu atakayoweka kinywani mwangu." Huyo hapo mtu wa Mungu. Akasema, "Nipeni usiku huu." Kwa hiyo usiku ukaja, naye Bwana akasema na nabii huyo, maskini mtu asiye chochote. Na muda si muda unajua, akajitokeza kesho yake asubuhi.

Kasema, "Vipi kuhusu hilo, Imla?"

Yeye alisema, "Kwea," kasema, "bali nimewaona Israeli wametawanyika kama kondoo juu ya mlima, wasio na mchungaji."

Yeye alisema, "Nilikwambia nini! Nilikwambia nini juu ya jambo hilo! Naye akasema ...

55 Ndipo yule askofu mkubwa akaja na kumpiga kofi mdomoni, akasema, "Roho wa Mungu alipitia njia gani? Maana ninajua nilikuwa na Roho; Nilicheza katika Huyo, nilifanya mambo haya yote. Unaona, ni—nilikuwa na Roho juu yangu. Alipitia wapi?"

Sasa, unaona, Imla akiwa mwana wa Mungu, ama nabii halisi wa Mungu, alichunguza ono lake kwa Neno. Kama halikuafikiana na Neno, ni kosa. Mnaona? Neno la wakati huo, mnaona. Sasa, yeye alisema kimaandiko, nchi hiyo ilikuwa ni mali yao, nchi hiyo ilikuwa ni yao. Kimaandiko, kila kitu kilionekana kuwa sawa ila jambo moja.

Kumbukeni, Neno moja ndilo lililosababisha mchafuko huu wote kutokea, Hawa alikosa kuamini Neno moja la Mungu; mwanzoni mwa Biblia, Neno moja lilisababisha shida. Yesu, alikuja katikati ya Biblia, alisema, "Mtu ataishi kwa kila Neno litokalo katika kinywa cha Mungu." Mwishoni mwa Biblia, ilisema, "Kila atakayeondoa Neno moja ama kuongeza neno moja Kwake."

56 Si sehemu ya Injili ... Wamethodisti wana sehemu yake, Wabaptisti, Wapresbiteri, na kadhalika, walikuwa na sehemu Yake, Kotoliki ilikuwa na sehemu Yake, Shahidi wa Yehova, wengine wote.

Lakini ni Neno lote, Neno lote, Neno la wakati huu; ndilo muhimu. Wala kamwe hatutafanya hivyo mpaka Mungu atakapomtia mafuta nabii anayeweza kusimama na kulisema, na kulithibitisha, na kulihakikisha ya kwamba ni kweli. Litateleza moja kwa moja kupitia kwa watu, hawatajua kamwe, kama tu ilivyokuwa sikuzote.

Ninyi Wakatoliki, kama vile Joan wa Arc, mlimchoma moto kwa kuwa mchawi; baadaye uliichimbua hiyo miili ya makuhani, miaka mia mbili baadaye, na kuitupa mtoni. Hukumjua Mtakatifu Patrick na hao wengine.

Litapitia moja kwa moja mikononi mwenu tena, mnajua muda si muda. Mungu atafanya jambo hilo, na kamwe hata hamtajua limefanywa. Mnaona, Yeye anaingia kisiri tu moja kwa moja na kumchukua Bibi-arusi Wake na kumtwa moja kwa moja juu, na kumwiba, moja kwa moja miongoni mwa watu.

57 Tunaona basi, maskini huyu Mikaya alisema alichunguza, alijua ya kwamba Mungu alikuwa amesema, kupitia kwa nabii halisi aliyemtangulia. Nabii aliyemtangulia, yeye alisema nini? Alisema hivi, alisema, "Ahabu, kwa kuwa ulimwaga ya mwenye haki, ama damu ya Nabothi mwenye haki, mbwa watairamba damu yako pia, na ya Yezebeli." Na hivyo ndivyo hasa, lilibidi litimie kwa maana Mungu alikuwa amelisema. Nabii huyo angeweza kutabiri mema wakati maovu yalikuwa dhidi yake?

Ninawezaje kuuambia Wakati huu wa Kanisa la Laodikia mambo mazuri wakati Mungu alinena dhidi yake? Wewe ni uchi, mwenye mashaka! Unasema, "Mimi ni tajiri, nina bora zaidi ... Nina makanisa kama Methodisti, na Wabaptisti, na Wapresbiteri. Nina hili, nina lile; hiki, kile na kinginecho kilicho bora kabisa." Hiyo ni kweli, bali hujui ya kwamba wewe ni uchi, kipofu, mwenye mashaka, kwa jambo halisi ambalo Mungu analidhihirisha. Litaenda moja kwa moja kupitia kwako, namna hiyo, likitoka moja kwa moja. Mnaona? Aminini, enyi watu, kabla ya kuchelewa sana.

58 Sasa, tunaona ya kwamba alimpiga mdomoni, na kusema, "Roho wa Mungu alipitia njia gani...?"

Mikaya akasema, "Nilimwona Mungu ameketi kwenye Kiti cha Enzi. Na wote ... Aliwaita wajumbe wa Mbinguni, kasema, 'Ni nani tunayeweza kumfanya ashuke aende na akamdanganye Ahabu?'" Kasema, "Na roho mmoja wa uongo akapanda akaja na kuanguka mbele za Mungu; mwongo." Basi kumbukeni, huyo roho wa uongo aliwaingia wale manabii, iliwapasa kujua basi kwamba roho aliyekuwa juu yao hakuwa ni kulingana na Neno. Lakini walikuwa wameshawishika sana kwa maana walikuwa ni manabii wa mfalme, kwa kuwa kila kitu kilikuwa shwari kwao.

59 Na hivyo ndivyo kanisa limefanya leo hii. Mmeondoka kwenye ibada za mtindo wa kale mlizokuwa nazo miaka kadhaa iliyopita wakati mliposimama pembeni mwa barabara na kuihubiri Injili. Mlitoka kwenye madhehebu hayo na ujiite "watu huru!" La! kwa sababu mmejifunganisha ndani yake tena, kama nguruwe kwenye kugaagaa kwake au mbwa kwa matapiko yake. Kama ilimfanya atapike mara ya kwanza, itamfanya atapike tena. Hiyo ni kweli! Mungu alikutapika kutoka kinywani Mwake, Yeye alisema, "Wewe ni vuguvugu, si moto wala baridi"; kuwa na mikutano michache, halafu tucheze michache, muziki, na kuimba kidogo, wakati, ni ... kabisa imekuwa ni aibu kwa Ukristo.

Mwanangu alinipigia simu hivi majuzi niangalie kwenye televisheni, yaliyodhaniwa kuwa mashindano ya uimbaji ambapo watu huja. Hilo kundi la maskini Ricky lililosimama pale, likijitikisa-tikisa huku na huku kama rumba, na kuziimba hizo nyimbo, ni fedheha kwa Yesu Kristo! Hakuna heshima tena kanisani hata kidogo. Inaonekana kana kwamba yote yamekuwa kitu cha rumba, na maonyesho ya mitindo, badala ya Kanisa la Mungu aliye hai ambapo Yesu Kristo anaweza kujidhihirisha Mwenyewe katika nguvu. Inaonekana kwangu, kuna kasoro mahali fulani. Wanaanguka. Na Biblia ilisema ingekuwa hivyo. Mnaona? Angalia mahali ulipo. Kuwa mwangalifu, amka kabla ya kuchelewa sana.

60 Sasa tunaona, Yeye alisema, "Ni nani tunayeweza kumtuma huko nje na kumdanganya Ahabu, kumfanya aende kule kuyatimiza maneno ya nabii huyo?" Mnaona, kama nabii alisema Neno, mbingu na nchi zitapita lakini hilo haliwezi kushindwa. Haina budi kutimia. Kwa hiyo hivyo ndivyo ilivyopaswa kutukia.

Yeye alisema, "Mwekeni mtu huyu katika gereza la ndani, mkamlishe chakula cha shida na maji ya shida. Nitakaporudi kwa amani, nitamshughulikia."

Mikaya alisimama pale imara, akijua alikuwa na Roho wa Mungu. Unabii wake, maono yake yalikuwa ni kweli. Ujumbe wake ulikuwa sahihi, maana ulikuwa ni BWANA ASEMA HIVI kutokana na maono, BWANA ASEMA HIVI kutoka kwenye Neno. Ilibidi iwe sahihi, ilikuwa ni BWANA ASEMA HIVI. Yeye alisema, "Ukirudi kabisa, Mungu hakunena nami kamwe." Nanyi mnajua kilichotukia, hakika. Mnaona, ninyi ...

Fahamu, ndugu. Sikilizeni.

61 Hakika, Kayafa, asingeweza kuliona. Kwa nini hakuangalia chini ...? Alikuwa a—alikuwa askofu, alikuwa papa wa makanisa yote pamoja. Kwa nini mtu huyo asingeweza kumwona Yesu amesimama pale? Kwa nini hakuweza kufahamu? Wakati walipokuwa wakiimba Zaburi ya 23, Zaburi ya 22, hasa, kanisani, na, "Mungu Wangu, Mungu Wangu, mbona umeniacha?" na hapo Yeye ananing'inia msalabani. Maandiko yale yale, Mungu yeye yule waliyekuwa wakimwabudu, walikuwa wakimhukumu Yeye na kumwua kwa "ushupavu wa dini." Hilo hapo.

Ingekushtua kama ningekwambia hilo linakaribia tu kujirudia tena. Biblia ilisema Yeye alikuwa yuko nje akijaribu kubisha apate kuingia, wala hakuna mtu angemfungulia, "Yeye nimpandaye ninamrudi na kumkemea, ninamkaripia, ninamtikisa, lakini ni kwa sababu ninampenda. Fungueni na mniruhusu niingie." Naam. Asingeweza ... "Kumbukeni, sikutaka kuingia kanisani; ni yeye, mtu binafsi." Asingeweza kuingia kanisani, walimfungia nje. Ila tu...ndipo, ndilo dhehebu pekee la hayo yote, ni wakati huu wa kanisa, ambapo Yeye alikuwa nje ya kanisa. Amefukuzwa atoke nje! Amekatazwa! Amekataliwa! Kwa sababu ... Yeye alidhihirishwa tu kwa muda mfupi katika makanisa mengine, katika mfano wa kuhesabiwa haki, na kadhalika; bali ndani hapa, wakati unaokuja sasa, ni dhihirisho kamili la thibitisho la Yesu Kristo yeye yule jana, leo, na hata milele. Loo, nitakubali tuna waigizaji wengi, bali chunguza lile la kwanza, la asili.

62 Musa alishuka pamoja na amri za Mungu, kuwakomboa Israeli; na alipofanya hivyo, alifanya miujiza fulani. Wale waigizaji wakamfuata. Kama wanalikuwa wa kwanza, yeye angekuwa mwigizaji. Unaona, alikuwa na Neno la Bwana, na Bwana akathibitishwa; aliketi tu kimya.

Na, unajua, jambo lile lile limeahidiwa katika siku za mwisho? "Kama vile Yambre na Yane walivyoshindana na Musa, vivyo hivyo na hawa watu walioharibika akili zao kuhusu ile Kweli." Na wakati

dhehebu linapoweka ninii ... linamchukua mtu moja kwa moja kupitia kwenye dhehebu hilo, ilionyesha halikutoka kwa Mungu; kwa sababu, Mungu hufanya mambo hayo kuvutia mioyo ya watu, halafu Ujumbe unayafuata. Kama sivyo, basi si Mungu. Si Mungu! Mungu daima hufanya hivyo.

Yuda asingeweza kufahamu jambo Hilo. Alitembea moja kwa moja pamoja Naye, hakuliona.

63 Lakini mtu halisi, aliyechaguliwa na Mungu, ile jeni halisi, ile seli zazi halisi, nafsi ya Mungu iliyokuwa ndani ya Mungu kabla ya kuwekwa misingi ya ulimwengu; kumbukeni, ninyi ambao kweli mna Roho wa Mungu ndani yenu usiku wa leo, mlikuwa hapa katika Kristo kwa sababu Yeye alikuwa utimilifu wa Neno. Yeye alikuwa utimilifu wa Uungu kwa jinsi ya mwili. Mungu alikuwa ndani ya Kristo, akiupatanisha ulimwengu kwa nafsi Yake. Unaamini jambo hilo? Angalia, Yeye alikuwa katika Kristo. Basi kama ulikuwa katika Mungu, jeni, neno, sifa tangu mwanzo, basi ulitembea pamoja Naye hapa duniani, ulizungumza Naye duniani, uliteseka pamoja Naye duniani, ulikufa pamoja Naye pale Kalvari, na ulifufuka pamoja Naye tena; na sasa umeketi katika ulimwengu wa roho katika Kristo Yesu, ukishiriki pamoja Naye (Neno) linapoilisha ya nafsi yako, ya kwamba, "Mtu ataishi kwa kila Neno litokalo."

Si neno la Kimethodisti, neno la Kibatisti; kumbukeni, kama kulikuwako na chochote kilichosalia katika dhabihu, hakina budi kuchomwa moto kabla ya asubuhi, maana kesho ni wakati mwingine wa kanisa. Hiyo ni kweli? Kutoka, ni kweli. Alama, mfano wa Dhabihu.

64 Mlango. Kasema, "Nitafanya mahali pamoja. Msininii ... Hamtaniabudia katika kila mlango ambao nimewapa; bali kuna Mlango mmoja, na katika Mlango huo nitaliweka Jina Langu." Na ambapo Bwana atakapoliweka Jina Lake, hapo ndipo mahali ambapo Mungu ataipeka dhabihu yako. Tumefanya kila namna ya milango, bali Mungu alifanya Mlango. Mungu alifanya Mlango, na Mlango huo ulikuwa ... Yohana Mtakatifu sura ya 10, Yesu alisema, "Mimi ndimi Mlango huo."

Mungu aliweka Jina Lake katika Yesu. Unaamini jambo hilo? Yeye alikuwa Mwana wa Mungu. Kila mwana huja katika jina la baba yake. Yeye alisema, "Nimekuja katika Jina la Baba Yangu, hamnipokei." Nilikuja katika jina la baba yangu, wewe unakuja katika jina la baba yako. Yesu alikuja katika Jina la Baba Yake, kwa hiyo Jina la Baba Yake ni Yesu; hasa, maana Yeye alikuja katika Jina la Baba Yake.

"Wala hamnipokei Mimi. Mwingine atakuja, naye mtampokea." Mtachukua madhehebu yenu na kuendelea nayo. Endeeleni tu, Biblia ilisema, "Waliinuliwa wapate kutimiza mahali hapa. Vipofu, uchi, wala hawajui." Kanisa, dini, loo, wacha Mungu sana, kama tu vile Kaini alivyokuwa; kutoa dhabihu, kufanya kila kitu kama tu vile Habili alivyofanya. Lakini kwa ufunuo ilifunuliwa kwake jinsi hiyo sakramenti ilivyokuwa, si matunda ya kondeni na jambo la kufanya kwa mkono wako.

Mwamini anaweza kuona Neno lililofanyika mwili; hao wengine hawawezi kufanya hivyo.

65 Hao Israeli wote, baada ya kumwona Musa akifanya jambo hilo na kuwaleta moja kwa moja kwenye lile baraza kuu, ambapo lingefanywa, kila mmoja wao alisema, "Tutaambatana na Balaamu, kwa sababu tunafikiri Dk. Balaamu ni sahihi. Yeye ni mwerevu zaidi, ana elimu zaidi, kila kitu, kwa hiyo tutachukua tu jambo hilo."

Na Mungu kamwe hakuwasamehe, aliwaangamiza papo hapo jangwani. Naye Yesu alisema, Mwenyewe, "Hawatakuja kamwe, hakuna hata mmoja wao aliyeokolewa." Yesu alisema ...

Wakasema, "Baba zetu walikula mana jangwani kwa muda wa miaka arobaini."

Yeye alisema, "Kila mmoja wao amekufa, ametengwa Milele na Mungu. Kila mmoja wao amekufa." Hakika! Kwa sababu walisikiliza kosa. Wakati Musa, aliyethibitishwa na Mungu, na kiongozi wa kuwaonyesha njia ya kwenda kwenye nchi ya ahadi, nao walikuwa wamekuja mbali huo vyema, lakini basi wasingendelea pamoja naye.

Sasa, waamini wanaweza kuona hilo, lakini wasioamini hawawezi kuona Hilo limethibitishwa.

66 Angalia jinsi Kayafa alivyokuwa mcha Mungu. Angalia jinsi hao makuhani wote walivyokuwa wacha Mungu. Ndipo Yesu akageuka, akasema, "Ninyi ni wa baba yenu Ibilisi, na kazi zake mtazifanya."

Lakini kulikuwa na waamini wachache walioketi pale. Unafikiri hao wanafunzi wangeweza kuelewa wakati Yesu aliposema, "Mimi na Baba Yangu ni mmoja"? Wasingeweza kulielezea. Wakati Yeye aliposema, "Msipoula mwili wa Mwana wa Adamu, kuinywa Damu Yake, hamna Uzima." Je! Wangeweza kulielezea? La. Lakini waliliamini, kwa sababu walimwona Mungu akithibitishwa na kufanywa mwili.

67 Yesu alisema, "Kama sizitendi kazi za Baba Yangu, basi msiniamini. Lakini kama nikifanya kazi za Baba Yangu, Neno lililotabiriwa Kwangu kufanya, basi ninyi ... Kama hamwezi kuniamini Mimi, aminini kazi nifizanyazo, mpate kuokolewa." Mnaona? Yesu alisema, "Kondoo Wangu wanajua Sauti Yangu. Wanajua Neno Langu, wanaliona linapothibitishwa kwa ajili ya wakati huo."

"Vema, Kayafa alilijua Neno pia!" Lakini si Neno la wakati huo. Alikuwa na Neno la mambo yale

Mafarisayo waliyokuwa wamemsukumia, bali si Neno lililothibitishwa la wakati huo.

“Wanaijua Sauti Yangu, wanajua ishara Yangu, wanajua ajabu Yangu.” Vipi sasa, kuninii ...

Loo, hebu turudi kwenye somo letu, kwa maana tutakosa tu mambo mengi ya Andiko hili tusipolirudia, maana sina budi kufunga katika dakika chache zifuatazo haidhuru, kwa maana itakuwa saa nne katika dakika chache. Ninampenda.

68 Marafiki, ninyi watu mlioshuka mkatembea kwenye ile njia kati ya viti na kuweka sadaka hizo pale muda kidogo uliopita; watu ambao wamewalisha watoto wangu, wakawavika nguo; watu ambao mmeweka fedha zenu (mlizopata kwa jasho) katika sahani ya sadaka, mnajua mahali hizo zinakokwenda? Hilo linanisaidia kunipeleka nchi za ng'ambo kwa makafiri ambao hawajapata kusikia chochote kuhusu Mungu. Hivyo ndivyo ninavyofanya nazo, kila senti, Mungu ndiye hakimu wangu. Hawa hapa baadhi ya nanii wangu...mtu huyo anayeketi papa hapa sasa ambaye yuko katika—katika hazina ya kanisa langu. Mimi hupata dola mia moja kwa juma, na ni hizo tu; zilizosalia hutumika katika kudhamini mikutano ya nchi za ng'ambo ambako wao hawawezi kuja.

Makanisa hayatanialeka. Hawanitaki. Hawanitaki. La. Hiyo ni kweli! Wananiita sasa, “Yeye ni ...” Wanasema, “Yeye ni 'Yesu Pekee,' ama yeye ni kitu kama hicho, ama mzushi fulani, mshupavu wa dini, na yote kama hayo, m—Yezebeli.” Nami ni—ninatazamia jambo hilo, walimwita Bwana wangu, “Yezebeli,” nao wakamwita ... si Yezebeli, bali “Beelzebuli.” Walimwita majina hayo yote mabaya. “Kama walimwita Bwana wa nyumba, 'Beelzebuli,' ni zaidi sana vipi watawaita wa wanafunzi Wake?” Kwa hiyo hilo halileti tofauti yoyote.

Na wewe mwenyewe, kwa msaada wa Mungu, unafikiri ningeweza kusimama hapa, mnafiki mkubwa, na kuwaambia jambo fulani ...? Ama, si ningepatana moja kwa moja na kitu hicho kama nilifikiri kilitoka kwa Mungu?

69 Lakini kama ninawapenda na ninajua yaliyo Kweli ... Umewahi kunisikia nikisema jambo lolote katika Jina la Bwana ila lile lililotimia? La. Ninamwomba mtu ye yote. Kuna maelfu ya mambo ambayo yamesemwa, yote yanatimia. Kumbukeni ule wakati ambapo Samweli alitwa atoke, naamini ilikuwa hivyo, naye akasema ...? Israeli walitaka kujifanya kama mataifa mengine. Huko ndiko ninyi Wapentekoste mnakoelekea. Unataka kutenda kama watu wengine. Ninyi si watu wa aina hiyo. Kaeni mbali na jambo hilo. Makanisa makubwa na mambo makubwa mazuri, Ee ndugu, usifanye hivyo. Tunahubiri kuja kwa Bwana kumekaribia, hebu na tufike mashambani kule na kuwajulisha makafiri. Unaona, fanya jambo fulani kulihusu hilo.

70 Lakini, unaona, Samweli alisema, “Je! Nimewahi wakati wo wote kuchukua pesa zenu kutoka kwenu kwa ajili ya riziki yangu?”

Wakasema, “La, Samweli, hujafanya hivyo kamwe.”

Kasema, “Je! Niliwahi kuwaambia jambo lo lote katika Jina la Bwana ila lile lililotimia?”

“Loo, hiyo ni kweli, Samweli. Tunaamini wewe ni nabii aliyetumwa kutoka kwa Mungu. Naam, bwana. Kila kitu ulichosema kilitimia, Samweli. Lakini tunataka hata hivyo.” Mnaona kile kilichotukia. Ee ndugu, Maandiko yanaendelea tu kujirudia hapa na pale kote katika Maandiko, maana ndiyo njia ya Mungu ya kufanya jambo hilo, mnaona. Unaona, mnafikia nyakati kama hizi.

Hebu na tulifikie somo letu upesi sana. Sasa, nimechukua muda huu wote, na hata sijalifikia somo langu bado.

71 Liko moyoni mwangu! Nawapenda! Usiangamie pamoja na ulimwengu! Kama wewe ni wa ulimwengu, utaangamia pamoja na ulimwengu. Kama wewe ni wa Mungu, utaenda pamoja Naye katika ufufuo. Kwa hiyo badilisheni tabia zenu usiku wa leo kutoka kwenye kuipenda dunia na mambo yaliyo katika dunia, na kanuni hizi zote za imani na kadhalika, na mwangalie moja kwa moja huko Kalvari kwenye Dhabihu yenu; mkutane Naye huko katika masharti hayo, kwa maana hapo ndipo mahali pekee atakapopata kukutana nanyi. Yeye ...

Wamethodisti wanasema, “Ni katika katika kanisa letu”; Wabaptisti wanasema, na Wapentekoste, na hili, na Wapresbiteri, na hili.

Lakini Yeye alisema, “Nitakutana nao mahali pamoja, Mahali nilipoweka Jina Langu.” Hiyo ni katika Yesu Kristo. Hapo ndipo Mungu alipoweka Jina Lake. Hapo ndipo mahali pekee atakapokutana nawe; na ni Kristo, ni Neno, yeye yule jana ... Imekua kutoka kwenye miguu, mapaja. Na sasa liko kichwani, likijiandaa kwenda; likimdhahirisha kwa ukamilifu Bibi -arusi, sawa na Bwana Arusi.

72 Sasa hebu tuende kwenye somo letu, upesi sana, kwa kama dakika kumi, na ndipo tutafunga. Sasa somo letu, sote tutataka kuliangalia. Lilikuwa limetukia tena, kama somo letu, kama kawaida lilivyotukia.

Mungu alimtuma nabii Wake kama Yeye ... Neno lilikuwa limeahidi katika Malaki 3, "Angalieni, namtuma mjumbe wangu, kutangulia kuja Kwake."

Sasa kama unataka kuthibitisha hilo, kulithibitisha; Mathayo, sura ya 11, inathibitisha jambo lile lile. Wakati wanafunzi wa Yohana walipokuja na kumwona Yesu, walisema, "Yohana yuko gerezani." Kasema, "Tumekuja kukuuliza kama yeye ..."

Jicho la tai la Yohana lilikuwa limepigwa picha. Naye alikuwa gerezani, alikuwa karibu kufa; kasema, "Nenda kamwulize."

Unaona, Yohana alisema, "Loo, pepeto Lake li mkononi Mwake, Yeye atausafisha kabisa uwanda Wake." Alidhani ule Utawala wa Miaka Eflu ungeanza papo hapo, alifikiri ile punje ilikuwa tayari. Lakini ilibidi ife na kuingia kwenye shina, ipande juu tena imfanye Bibi-arusi wa kweli. Kwa hiyo akasema, "Yeye ataikusanya ngano Yake ghalani, na ataiteketeza, kwa moto." Mwangalia huyo—huyo mtangulizi wa Kristo katika wakati huo, yale aliyosema yangetukia. "Nafaka ..."

73 Nami natumaini hamjalala. Nafaka iko hapa! Itakusanywa ghalani. Ilikuwa ni yule Bibi -arusi, sehemu ya hiyo. Lakini Yeye alisema nini kitatukia kwa shina? Litateketezwa kwa moto usiozimika. Tafuta wokovu sasa wakati ukiwa unaweza. Kuwa nafaka, si shina. Mnaona? Ingia katika Uzima, sio utaratibu wa kale uliokufa; ingia katika Uhai wa Kristo, Neno lililodhihirishwa, ninii...lililodhihirishwa na kuthibitishwa kuwa kweli. Huu ndio—huu ndio wakati wa kukusanya, mashine ya kuvunia inakuja. Afadhali uingie kwenye punje, maana kapi litaachwa nyuma.

74 Sasa, tunaona ilitendeka, Yesu ... Kumaliza nukuu yangu hapa, hii Mathayo 11. Unaona, Yeye hakumpa Yohana ... Mnaona, Yeye hakumpa Yohana...Alisema, "Sasa, ngojeni, nitampa Yohana kitabu juu ya vile atakavyojiongoza, Mwaminio Akiwa Gerezani." La! Yeye alisema, "Simameni karibu na mwone kinachotukia. Rudini mkamwambie Yohana mambo yanayotendeka: viwete wanatembea, vipofu wanapata kuona, wafu wanafufuliwa, na Injili inahubiriwa kwa maskini." Vile vile hasa nabii alivyosema ingetukia. "Na heri ninyi msiochukizwa Nami."

Ndipo wanafunzi wake wakaanza kuvuka kilima, Yeye akageuka, akasema, "Mlitoka kwenda kuona nini mlipoenda kumwona Yohana? Je! mlienda kumwona mtu anayeshughulika na mavazi mororo, na kadhalika, kosi zilizopinduliwa, na haya yote, mwajua?" Kasema, "Wamo katika nyumba za wafalme, wanawabusu watoto wachanga na kuwazika wafu, hajui jinsi ya kuushika upanga ushikwao kuwili." Mnaona? Kasema, "Mlienda kuona nini? U—unyasi unaotikiswa na upepo wowote, 'Njoo huku, Yohana, nitakupa fedha nyingi zaidi kama ukija huku?' ('Vema, Mungu abarikiwe, mimi si Mmethodisti tena, nitakuwa Mpentekoste, nitakuwa Mpresbiteri, nitakuwa wa hili, lile, lile lililo na fedha nyingi zaidi.')" Kasema, "Kamwe hamkuona unyasi unaotikiswa na upepo." Kasema, "Mlienda kuona nini pale, nabii?" Yeye alisema, "Naam, na ni zaidi ya nabii."

75 Yohana ndio kwanza ampe Yesu sifa duni sana angaliweza kumpa. Alijua ilibidi itokee namna hiyo; alimwuliza baada ya yeye kumtambulisha na kuona ile Ishara juu Yake, akasema, "Huyu ndiye Masihi," kisha anakuja na kuuliza, "Je! Wewe Ndiye, au tumtazamie mwingine?"

Lakini, angalia, Yesu akijua jambo hilo, aligeuka na kumpa sifa, akasema, "Mlikwenda kuona nini, mwanzi unaotikiswa na upepo?" Kasema, "Hapajakuwapo na mtu aliyezaliwa na mwanamke aliye mkuu kama Yohana, hata siku hii." Hiyo ni kweli! Ni sifa iliyoje kumpa mtu huyo!

Lakini, mnaona, lilikuwa ndilo hilo hapo, unabii ulikuwa umetimizwa moja kwa moja mbele ya uso wao, kwa kuja kwa mtangulizi, vile vile hasa alivyosema Malaki. Sasa, hiyo ni Malaki 3, si Malaki 4.

Yohana Mbatizaji alikuwa Malaki 3, Yesu alisema hivyo. Walipomwuliza, wakasema, "Kwa nini waandishi wanasema ..."

Kasema, "Yeye tayari amekwisha kuja. Walifanya yale waliyosema."

Lakini, kumbukeni, Malaki 4, mara baada ya nabii Malaki 4, kule kuja kwa nne kwa Yohana Mbatizaji katika ... ama ninii ... kwa Eliya. Kuja kwa tano kutakuwa ni Ufunuo 2, wale mashahidi, wakati atakapokuja kwa ajili ya masalia ya Wayahudi. Lakini Mungu ametumia Roho yuyo huyo mara tano: neema, J-e-s-u-s, imekuwa ni Yesu wakati wote; i-m-a-n-i, n-e-e-m-a, na kadhalika. Mnaona? Namba tano ni namba ya neema na Yeye alitumia. Hatatumia tu tatu, hatatumia tu mbili, tatu, nne. Ni mara tano Yeye huitumia.

76 Sasa, angalia upesi sasa, tunapomaliza. Yeye alisema, "Huyu ndiye aliyenenwa habari zake, 'Ninamtuma mjumbe Wangu mbele ya uso Wangu.'"

Lakini katika Malaki 4, mara baada ya nabii huyo kutabiri, ulimwengu mzima utachomwa moto, na wenye haki watatembea nje juu ya majivu ya waovu. Mnaona? Kweli kabisa! Mnaona, huo ni unabii wa Malaki 4.

Na tazama katika Luka 17, ambapo Yeye alisema, "Katika siku za mwisho, itakuwa kama Sodoma na



Gomora tena." Je! Tumelipata? Tuna Sodoma na Gomora tena? Mataifa yote, angalieni. Angalia kile alichosema hivi karibuni kuhusu Uingereza, jambo hilo lote limepotoshwa. Hata chakula kimepotoshwa. Basi angalia hapa kile sayansi ... Mnaona katika Reader's Digest, ninaamini ni mwezi uliopita, walisema, "Wavulana wadogo na wasichana hupitia kwenye umri wa makamu kati ya miaka ishirini na ishirini na mitano." Mimi hukutana nao mkutanoni, wasichana wadogo katika kukoma hedhi, na umri wa miaka ishirini, ishirini na miwili, katika kukoma hedhi. Inatokana na nini? Upotovu, uchotora. Hilo ndilo hasa lililopotosha, kitu hicho chote kimeupotosha mwili. Sisi si kitu ila mchafuko wa—wa ... kama tu mmea chotara.

77 Hebu chukua mmea chotara na uuweke pale nje, kila kijidudu kitaukimbilia moja kwa moja. Lakini mmea halisi, wa asili, kijidudu kitaukimbia, hakiwezi kusimama kwake. Na hiyo ndiyo shida ya kanisa, tumelifanya chotara.

Hiyo ndiyo shida ya maskini farasi wa Peary Green kule juu, naye alimtupa mvulana huyo hivi majuzi, yeye si kitu ila robo farasi wa kale. Mnaona? Jambo pekee ni kwamba, yeye ... Ni kama tu nyumbu, yeye ni—yeye ni ... nyumbu hajui baba yake ama mama yake ni nani, hajui kitu; yeye ni nusu nyumbu na nusu farasi, na nusu huyu na punda; yeye hajijui ni nani. Usingeweza kamwe ... Yeye atangojea maisha yake yote apate kukupiga teke. Hiyo ni kweli! Unaweza kumwita, useme, "Njoo huku, mvulana. Njoo, mvulana." Atainua masikio yake juu, na, "Hoo! Hoo! Hoo!" Mnaona?

78 Kama vile baadhi ya hawa wanavyosema "Siku za miujiza zimepita, Hoo! Hoo! Hoo!" hawa machotora nusu, wanaodhaniwa kuwa ni wafuasi wa kanisa na Wakristo. Sisemi jambo hilo kwa mzaha, bali ni Kweli. Lakini ndugu, halisi, wa uzao bora, yeye anajua baba yake alikuwa ni nani, mama yake alikuwa ni nani, babu yake alikuwa ni nani, bibi yake alikuwa ni nani, unaweza kumfundisha jambo fulani, yeye ni muungwana.

Na Mkristo halisi aliyezaliwa kwa Roho Mtakatifu na kujazwa na nguvu za Mungu na Neno, anajua baba yake ni nani, mama yake ni nani, babu yake alikuwa nani, nyanya yake alikuwa nani, anajua yote kuhusu jambo Hilo. Unaweza kumfundisha jambo fulani.

Lakini chotara, hayo ndio yaliyoyapata makanisa. Mchanganyiko kati ya ulimwengu na madhehebu ya kidini, na kuweka Neno kidogo ndani yake hapa, Neno kidogo pale, la kutosha tu kudanganya. Hiyo ni kweli. Unapona Neno halisi la Mungu likidhihirishwa kama vile Kayafa na hao wengine walivyofanya, wanaliacha, hawajui. Chotara!

79 Sasa tunaona, na katika ujumbe huu, Isaya 40:3 pia ilimthibitisha Yohana. Yeye alisema, "Sauti ya mtu, nabii, aliaye nyikani, 'Itengenezeni njia ya Bwana, yanyosheni mapito yake.'" Kanisa halikumwamini, kwa kuwa yeye hakuwa wa kundi lao. Nabii huyo alilelewa nyikani, akakua pasipo kumjua mtu yeyote. Alikuwa na Roho yule juu yake ambaye Eliya alikuwa naye: alikuwa mtu wa nyikani, aliwachukia wanawake wachafu.

Kumbuka jinsi Eliya ... Ni kitu gani kilichosababisha kuondolewa kichwa chake? Ilikuwa ni Yezebeli. Yezebeli alikuwa ndiye chanzo cha kifo chake. Alimfukuza akaenda nyikani.

Yohana Mbatizaji, mtu mwingine aliyependa nyika, mwindaji, mtu wa mwituni. Mwangalie. Hakuwa na elimu. Angalia fungu la—lake la maneno, hakuwa kama mwanatheolojia. Yeye alisema, "Enyi wazao wa nyoka!" Kitu kilicho kichafu sana unachoweza kupata nyikani, kule kuvizia, kilikuwa—kilikuwa ni nyoka. Naye akawaita hao makuhani, "Enyi wazao wa nyoka! Ni nani aliyewaonya kuikimbia hasira ijayo? Msianze kusema, 'Sisi ni wafuasi wa hili, na tuna hili ama lile,' kwa maana ninawaambia, Mungu anaweza kutoka kwenye mawe haya," nyika. Pia, "Shoka" (kile alichotumia) "limekwisha kuwekwa penye shina la mti; basi kila mti usiozaa tunda zuri, hukatwa na kutupwa motoni." Amina.

80 Yeye alikuwa mhubiri wa maumbile. Mtu mashuhuri wa Mungu, aliishi muda mfupi, lakini hakika aliwasha moto kote duniani. Alikishtua kizazi hicho katika hiyo miezi sita ya huduma yake. Mungu alimwinua kwa miaka thelathini, apate hiyo miezi sita kutoka kwake. Lakini Mungu hufanya njia Yake Mwenyewe, Yeye anajua mavuno Yake ni nini.

Nasi tunaona sasa ya kwamba hili ndilo hasa lililokuwa limetukia. Hawakumwamini, kwa sababu hakuwa mmoja wao. Hawakufanya hivyo. Walifanya kama kawaida, hawakuliona. Hawakuamini Neno la Mungu la Malaki 3, la sivyo wangeona dhahiri, kwa maandiko, ya kwamba huyu alikuwa ndiye mtangulizi. Hawakuwa na nabii kwa miaka mia nne, na huyu hapa anatokea jukwaani mara moja. Mnaona? Nao watu, hao waamini, walimwamini kuwa ndiye. Mnaona, hawakuamini jambo Hilo. Hawakuamini, maana walipoona yale maandiko ya yakithibitishwa kabisa, yale Yeye aliyosema angefanya, na kila kitu, na kuliona likithibitishwa dhahiri wakati Neno lilipokuja moja kwa moja majini kwa nabii. Hao hapo wamesimama.

81 Kuna wengi wanaobishania Andiko hilo hapo juu ya Yohana. Mnaona, Yohana alisema, "Nahitaji kubatizwa na Wewe, Nawe waja kwangu kwa nini?"

Yesu akasema, "Kubali hivi sasa, kwa kuwa ndivyo...lakini ndivyo itupasavyo, inatupasa (kutupasa)

kwamba tutimize haki yote. Yohana, wewe ukiwa nabii, unajua dhabihu haina budi kuoshwa kabla haijatolewa. Nami ni Dhabihu hiyo, nawe ni nabii na unajua jambo hilo." Ndipo akamkubali na kumbatiza. Mnaona? Naye alijua ndivyo ilivyokuwa.

82 Angalia, walimcheka, wakamwita "mshupavu wa dini, mshenzi, domo kaya, asiye na elimu," kama kawaida, huyo nabii aliyekutangulia kuja kwa mara ya kwanza kwa Yesu.

Sisemi ya kwamba wao ni ... hawana uigaji ule ule leo wa—wa kilicho halisi. Wanafanya hivyo, kabisa. Lakini, kumbukeni, mahali mnapoona dola ya bandia hapana budi kuweco na dola halisi iliyotengenezwa kwa hiyo. Ambapo unamwona mtu anayeiga kuwa Mkristo, hapana budi kuwako na Mkristo halisi mahali fulani; kwa sababu, kama sivyo, huyo angekuwa ndiye wa asili. Huna budi kufikia kwenye kitu cha asili. Lakini chunguza ya kwanza, uone kama ya asili inaambatana vilivyo na ahadi. Kama ndivyo ilivyo, basi iamini: ahadi ya wakati huo.

Ndipo unabii wa Yohana ulithibitishwa katika utaratibu wa Mungu. Neno lilimjia nabii na kumthibitisha kwamba kweli yeye ndiye mtu huyo.

83 Tena Yesu alikuja katika ... tofauti na walivyoelewa unabii huo. Hawakuuelewa namna hiyo. (Sasa, tunaelekea kwenye mwisho sasa.) Lakini kulingana na Neno la nabii, ulitimizwa kikamilifu. Unabii umetimia; bali jinsi walivyodhani ingekuwa, haikuwa hivyo. Sasa, wangewezaje kuelewa na wajue ni upi ulikuwa wa kweli na ni upi wa uongo? Kuona kama lilikuwa limethibitishwa na Mungu, kama ilikuwa ni Mungu akifasiri yale aliyosema. Kulikuwako na Yesu wengi wa uongo walioinuka, na kumwongoza mtu, kundi la...watu mia nne, huko nje jangwani na kadhalika; bali hakuthibitisha kujidhihirisha mwenyewe katika Neno, unaona, kama Yeye alivyosema.

84 Yesu, wakati alipokuja, Yeye alikuwa awe nabii. Hiyo ni kweli! Na leo, kabla Yesu hajaja tena, dhihirisho kamili la utu wa Yesu Kristo unapaswa kudhihirishwa katika mwili. Wazia jambo hilo! Yesu alisema, "Kama ilivyokuwa katika siku za Sodoma, ndivyo itakavyokuwa katika kuja Kwake Mwana wa Adamu, wakati Mwana wa Adamu atakapofunuliwa." Kufufunuliwa ni nini? Kuwekwa wazi, kufanya jambo lifahamike. Siri imekwisha kuletwa, ikafunuliwa. Katika siku ambayo Mwana wa Adamu atafunuliwa, ulimwengu utakuwa katika hali ya Sodoma. Tunao, sivyo? Naam! Ni wangapi wanaoamini jambo hilo? Uko katika hali ya Sodoma. Na hiyo ni kweli kabisa! Angalia mahali ulipo, sasa.

Kumbukeni, daima kuna makundi matatu ya watu katika kila kundi la watu mnalokusanya, hayo ni, wanaojifanya waaminio, wasioamini, na waaminio. Tunao katika kila kundi. Wamekuwa nao wakati wote. Kulikuwako na Wasodoma, kulikuwako—kulikuwako na Walutu, na kulikuwako na Ibrahimu.

85 La Ibrahimu lilikuwa ni kundi lililoitwa litoke, yeye hakuwa Sodoma kwanza. Sasa angalia Ujumbe wao! Walikuwa wakimtazamia mwana aliyeahidiwa, walimtazamia kwa miaka mingi. Mungu alikuwa amemwonyesha Ibrahimu ishara nyingi na maajabu, lakini hapa Mungu alishuka Mwenyewe kama mwanadamu!

Unasema, "Huyo alikuwa ni Malaika."

Ibrahimu alimwita, "Bwana," herufi kubwa B-w-a-n-a. Msomaji ye yote wa Biblia anajua ya kwamba herufi kubwa L-o-r-d ni Elohimu. "Hapo mwanzo Mungu," Bwana Mungu, Elohimu, Yeye ajitoshelezaye kwa yote. Ibrahimu alimwita, "Bwana Mungu, Elohimu."

86 Sasa angalia, kulikuwa na watu wawili walioshuka wakaenda Sodoma wakiwa na ujumbe, nao wakawahubiria Wasodoma. Hawakufanya chochote, bali waliwapofusha; ambapo, kuhubiri Injili kweli humpofusha asiyeamini.

Lakini angalia ni ishara ya namna gani ambayo kundi la Ibrahimu lilipokea!

Sasa, tunapaswa kuwa Uzao wa kifalme wa Ibrahimu, Isaka alikuwa ni uzao wa kawaida. Lakini Uzao wa imani, imani katika Neno lililoahidiwa, Neno lililoahidiwa (msikose jambo hilo) ulikuwa ni huo Uzao wa kifalme; huo ndio uliokuwa ule Uzao, imani ya Ibrahimu. "Sisi tukiwa wafu katika Kristo, sisi ni Uzao wa Ibrahimu, warithi pamoja naye kulingana na ahadi."

Angalia wakati hayo yote yalipokuwa yakitukia, kule Sodoma kulikuwako na wahudumu wawili kule wakihubiri wakiwa na ujumbe mkuu.

87 Kulikuwako na Mmoja aliyeketi hapa pamoja na kundi la Ibrahimu ambaye hakujiipumbaza na kundi hilo kule chini. Sasa angalia Yule aliyedumu na kundi la Ibrahimu, ni ishara ya aina gani aliyowapa. Yeye alisema ... Sasa, kumbuka, jina lake lilikuwa Abram siku chache kabla ya hapo; na ni S-a-r-a-i, siyo S-a-r-a (binti mfalme). Na Mtu huyu, akiwa ameelekeza mgongo Wake hemani ...

Wanawake wakati huo walikuwa tofauti na walivyo sasa. Inawabidi kutoka nje na kuchukua biashara za waume zao na kila kitu kingine, mwajua. Lakini hawakufanya hivyo hilo wakati huo; wakakaa huko nyuma.

Kwa hiyo wao ... kwa hiyo hao Malaika wakiwa wameketi pale. Yule Mjumbe, Naye akasema, "Ibrahimu, yu wapi mkeo (S-a-r-a) Sara?" Yeye alijuaje jambo hilo? Yeye alijuaje jambo hilo?

Ibrahimu akasema, "Yumo hemani nyuma Yako."

Yeye alisema, "Nitakuzuru kulingana na wakati niliokuahidi. Nitakutembelea." Naye Sara kwa namna fulani akacheka moyoni.

88 Akiwa ameelekeza mgongo Wake hemani, Naye akasema, "Kwa nini Sara amecheka, akisema, 'Mambo haya yawezekanaje?'" Kama asingalikuwa katika Ibrahimu, bibi -arusi wake wakati huo, Mungu angalimwua. Vivyo hivyo na sisi leo na kutokuamini kwetu kote, kama hatukuwa katika Kristo. Hilo linatushikilia papo hapo, mnaona. Asingeweza kumdhuru ama asingemchukua Sara bila kumdhuru Ibrahimu. Mnaona?

Na kwa hiyo kumbuka, Yesu alisema, "Kama ilivyokuwa katika siku za Sodoma, ndivyo itakavyokuwa katika kuja Kwake Mwana wa Adamu." Tunaona kila mtu anakubali ya kwamba ulimwengu uko katika hali ya Sodoma. Nilichukua gazeti la Los Angeles hapa si muda mrefu uliopita, na kusema, nafikiri ni "Ushoga unaongezeka kwa asilimia ishirini ama thelathini huko Los Angeles, kila mwaka unaongezeka kiasi hicho." Ni ... Loo, ni la kutisha! Katika serikali yetu na kila mahali, kila kitu kimekuwa upotovu tu. Hiyo ni kweli! Jambo lote, mfumo wote, kanisa na cho chote kingine kimepotoshwa. Iko katika wakati uliopotoshwa.

89 Sasa nataka kuwauliza ninyi wanatheolojia jambo fulani, juu ya ndugu zangu. Si kwamba ninasema dhidi yako, ndugu yangu mpendwa; Niko hapa kukusaidia, ndugu. Niko hapa kusimama juu ya kile Neno la Mungu linachosema ni kweli, kushika mkono wako na kuutoa umati huu wa watu kutoka kwenye upuuzi huu. Sawa!

Lakini angalia hapa, hatujapata kuwa na mjumbe huko Sodoma hapo awali ambaye jina lake linaishia na h-a-m mpaka sasa. Tumekuwa na akina Spurgeon, Wesley, Luther, na chochote kile, bali kamwe si mjumbe wa kimataifa ambaye jina lake linaishia kwa h-a-m, huko nyuma. Hiyo ni kweli! Unaona, G-r-a-h-a-m, herufi sita, G-r-a-h-a-m, Billy Graham; huyo mwinjilisti mashuhuri, kazi kuu ya Mungu, mtu huyo ametumwa kutoka kwa Mungu. Yeye ana huko kuhesabiwa haki vizuri sana, naye analitikisa taifa kwake, mnaona, namna hiyo. Hakuna ...

Mwangalie Oral Roberts kwa dhehebu la Kipentekoste. Ni lini kulikuwako na mtu kama huyo?

Herufi sita, si saba. Ibrahimu ni A-b-r-a-h-a-m, saba. Billy Graham ni G-r-a-h-a-m, sita.

Sasa waangalie wale wajumbe. Angalia wakati tuliomo, hakujawahi kuwa na wakati kama huo katika historia. Angalia ishara zile zile ambazo Yeye aliahidi zingetolewa kwa kila kundi. Angalia mahali walipo. Pale pale, hasa, mahali penyewe, wamekaa katika utaratibu. Maumbile, ulimwengu, kila kitu, kimekaa sawa kabisa katika majira yake.

90 Sasa usikose jambo Hilo, tunapoyachunguza Maandiko mengine! Upesi sasa, maana ninawachelewesha sana. Piga simu ... Angalia hapa. Na kulingana na nabii, yeye alikuja kwa Neno hasa, kwenye wakati unaofaa hasa.

Sasa angalia wakati sasa tunaishi. Je! hatuishi moja kwa moja katika wakati huo wa Sodoma? Mwangalie yule mjumbe wa kundi la Ibrahimu. Angalia namba, herufi, na hesabu ya jina lake. Unasema, "Jina halina maana yoyote." Usiache kamwe mtu ye yote akwambie jambo hilo. Kwa nini alilibadilisha jina la Abram, akawa Ibrahimu, Sarai akawa Sara? Kwa nini alimbadilisha Simoni kuwa Petro, na hao wengine wote? Mnaona? Hakika ipo. Kweli kabisa!

91 Hiyo ndiyo sababu ninasema usiniii, kamwe usimwite mtoto wako "Ricky," ama "Elvis," ama kitu fulani. Elvis maana yake ni "paka," Ricky ni "panya." Mnaona, unaposema ... Hiyo ni kweli kabisa. "Les," ama kitu fulani, kamwe usimwite mmoja wa watoto wako ... watoto hivyo. Kama ndivyo lilivyo, libadilisheni upesi, enyi watu. Usiniii ... Ninyi ambao ... Kama mnaniamini mimi kuwa mtumishi wa Mungu, usilibandike jina hilo kwa maskini mtoto huyo. Mnaona? La, bwana, mpe jina lingine mbali na hilo. Jamani! Hainibidi kwenda kando katika jambo hilo, maana nimeliacha somo langu, bali nililisema na liko kila mahali. Mimi ... Hivyo ndivyo unavyofanya, hujui unaposema jambo hilo. Mnaona?

92 Wakamwita, "Mgeni, mpiga ramli, ibilisi, Beelzebuli," na kusema, "Alifanya Mwenyewe Mungu. Loo, jamani!

Hivi nabii Isaya hakusema, "Yeye ataitwa Mungu Mwenye Nguvu"? Isaya 9:6, "Kwa ajili yetu mtoto amezaliwa, tumepewa mtoto mwanamume, na uweza wa kifalme utakuwa mabegani Mwake, Naye ataitwa Jina Lake Mshauri, Mfalme wa Amani, na Mungu Mwenye Nguvu, Baba wa milele." Hiyo ni kweli! Pia, Yohana Mtakatifu 1:1, "Hapo mwanzo kulikuwako Neno, naye Neno alikuwako kwa Mungu, naye Neno alikuwa Mungu. Naye Neno alifanyika mwili akakaa kwetu." Unaamini jambo hilo? Yeye hakuwa tu ... Yeye alikuwa nabii, bali alikuwa zaidi ya nabii; Yeye alikuwa ni nabii Mungu. Kwa nini ilimbidi kuja?

93 Kumbuka, Yeye anakuja katika majina matatu ya wana. Yeye alikuja kwanza katika jina la Mwana wa Adamu. Yeye kamwe hakujiita Mwenyewe "Mwana wa Mungu." Unajua jambo hilo. Mnaona, Yeye alikuja katika Mwana wa Adamu, nabii. Yehova Mwenyewe, Baba, alimwita Yeremia, "mwana wa Adamu"; nabii ni mwana wa Adamu. Yeye alikuja ...

Sasa Yeye alikuja baada ya Siku ya Pentekoste, Yeye alirudi katika umbo la Roho Mtakatifu, Roho wa kimbinguni. Sasa Yeye ni Mwana wa Mungu.

Katika ule Utawala wa Miaka Elfu Yeye atakuwa Mwana wa Daudi, akiketi kwenye kiti cha enzi cha Daudi. Unaona, Yeye alikuja ... Yeye ni Mwana wa Mungu, Mwana wa Adamu, Mwana wa Daudi.

94 Loo, Biblia imejaa vipande hivi vya dhahabu. Hatuwezi kuyapata yote katika usiku mmoja. Lakini inafaa tu kuweka hili sasa. Kesho huenda isipambazuke kamwe. Huenda tukaondoka kabla ya kesho. Huenda nikawa ninamhubiri mtu ambaye atakuwa amekufa kabla ya asubuhi. Ningeweza kuondoka kabla ya asubuhi. Ndugu, dada, hiyo si hadithi ya kufikirika, hiyo ni kweli halisi! Hatujui tutaondoka wakati gani, wala hutapata nafasi yoyote baada ya hiyo pumzi ya mwisho kuuacha mwili wako. Jiweke sawa sasahivi, usingoje mpaka asubuhi, huenda ikawa umechelewa sana.

95 Angalia sasa, walikuwa wamemtendea Yeye yale hasa manabii waliyosema wangepanya, kama tu wanavyofanya hadi siku ii hii katika Wakati wa Laodikia. Kama ukitaka kuliangalia hilo, soma Ufunuo 3, "Kipofu, uchi, wala hamjui. Kumgeuza Kristo ..." Wakati anapoanza kujifunua Mwenyewe katika mfano wa mbegu tena, ile ile iliyoingia ardhini ikarudi kuwa Bibi-arusi; Bibi-arusi tu na Bwana arusi, ni mwili ule ule tu na damu ile ile, huduma ile ile, na mambo yale yale, akifanya vile hasa Yeye alivyofanya; yule Roho.

Na hawa hapa wakiiga na kufanya chochote kile, na kila mmoja ana kitabu chake na anakimbia, na hili. Loo, hujapata kusikia mihemuko kama hiyo! Na ... [Ndugu Branham anapumua kupitia pua yake — Mh.] "Ninamnusa shetani sasa." Yote haya, yale, kinyume cha kimaandiko tu iwezavyo kuwa!

96 Na kitu kilicho halisi kikiwa moja kwa moja pale mbele yao, wanaondoka, "Hao si wafuasi wa dhehebu langu." Jamani, jamani, tu, mnaona, kipofu tu akimwongoza kipofu. Hivi hawataanguka wote shimoni? Wamepofushwa na mapokeo ya kimadhehebu ya binadamu, wanamtoa kanisani mwao kama vile Mungu alivyosema wangepanya, katika Ufunuo 3; kama kawaida, kama ilivyotabiriwa.

Angalia jinsi Yesu alivyo- ... alijitambulisha Mwenyewe kwa hawa wanafunzi, sasa, nasi tutafunga. Hawa wanafunzi wawili, Kayafa ... Kleopa, hasa, na rafiki yake. Sasa tuko katika ufufuo, asubuhi baada ya ufufuo, ufufuo wa kwanza; ni asubuhi nzuri iliyoje, Yesu amefufuka kutoka kwa wafu na anaishi miongoni mwa watu Wake. Ni wazo zuri iliyoje!

Yeye yupo hapa leo kama alivyokuwa siku hiyo, kwa sababu ni yeye yule jana, leo, na kwa ajili ya ... Na akijifunua Mwenyewe zaidi leo kuliko alivyofanya katika wakati mwingine wo wote tangu siku hiyo; kuja kupitia ngano na ubua na kapi (yote yamepita sasa), tumeingia kwenye ngano tena. Mnaona, tumerudi kwenye punje.

97 Kujulikana kama ... kujua ... Angalia jinsi alivyojitambulisha kwa watu hawa, sasa, kumbukeni, kama Masihi wao (kabla tu hatujafunga) wa Neno lililoahidiwa la wakati huu. Angalia! Yeye alimtokea, kwa ninii ... kama alivyosema atafanya, kwa manabii. Angalia, "Enyi msiofahamu, wenye mioyo mizito ya kuamini yote manabii wameandika kumhusu Yeye yalibidi kutimia."

Mwangalie! Yeye anarejea moja kwa moja kwenye Neno la Mungu, Yeye hakuja moja kwa moja na kuwaambia, "Hivi hamnjui Mimi? Mimi Ndiye Masihi aliyefufuka." Yeye hakusema jambo hilo kamwe. Mnaona, Yeye aliwapa tu Maandiko; kama vile Yohana alivyofanya, na hao wengine. Mnaona? Yeye alininii tu ... Inawabidi kupata hilo wenyewe. Inawabidi kujihukumu wenyewe. Sasa, usilale, jiamulie mwenyewe.

"Enyi msiofahamu, wenye mioyo mizito kuamini yote ambayo manabii wamesema yalibidi kutimia." Ni karpio la jinsi gani kwao waliodai kwamba walimjua. Mnaona?

98 Angalia namna alivyoliendea somo. Yeye hakujiieleza waziwazi kabisa, kama nilivyosema dakika chache zilizopita, na kusema, "Vema, hivi hamjui Mimi Ndiye Masihi wenu wa wakati huu? Hivi hamjui ya kwamba Mimi Ndiye?" Mtumishi halisi wa Mungu kamwe hajitambulishi namna hiyo; Maandiko yanamtambulisha Yeye ni nani. Hakika, atafanya hivyo. Lakini alivuta usikivu wao kwa yale manabii walikuwa wamesema wachunguze katika wakati wa Masihi. Mnaona jambo hilo? Turudi nyuma moja kwa moja: "Enyi msiofahamu, wenye mioyo mizito, kutokuamini ya kwamba yote waliyosema manabii kumhusu Masihi yanapaswa kutimia."

Yeye, kama Yohana, aliacha Neno la Biblia limtambulisha, kile alichokuwa kwao. Hilo linapaswa kufanywa dhahiri vya kutosha. Kama Neno lilikuwa limemtambulisha, huyo anapaswa kweli kuwa Ndiye ile ahadi waliyokuwa wakiitazamia. Walijua alikuwa na ... mtu fulani ilibidi aje jukwaani wakati huo.

Mbona, Yeye alisema, "Sasa hebu niwaonyeshe kile Neno linachosema kinapaswa kutukia katika siku hii."

99 Mimi sio mimi, usiku wa leo, ninayejaribu kuwaambia, Neno kwa Neno (hata mahali penyewe, eneo, majina, namba, chochote kile, na ishara zote, nyakati, na kila kitu), ya kwamba tupo papa hapa kwenye wakati wa mwisho? Hakika mnaweza kuona kile ninachozungumzia. Mnaona? Angalia! Hilo ni dhahiri sana halipaswi kuhitaji kitambulisho zaidi. Yeye alisema, wakati alipokuwa hapa duniani, "Yachunguzeni Maandiko, ndani yake mnafikiri mna Uzima wa Milele, ndiyo yale ... yanashuhudia kile nilicho Mimi, mnaona, mimi ni nani."

Angalia, Yeye alianza na nabii Musa, nabii, Kumbukumbu la Torati 18:15. Ninaangalia Maandiko hapa. Kumbukumbu la Torati 18:15, Musa alisema, "Bwana Mungu wako ..."

Mnaona, Mungu alinena naye juu ya mlima. Na, loo, jamani, zile ngurumo; wakasema, "Acha—acha Bwana ... Musa na anene, si Mungu, tusije tukaangamia."

Yeye alisema, "Walisema vema. Nita- ... Sitasema nao tena namna hii, bali nitawainulia nabii." Na huo ndio umekuwa ujumbe Wake kote kote. Huo ndio unaopaswa kutatua jambo lote mwishoni. Haina budi kufanya hivyo, kwa sababu Neno la Bwana halina budi kumjia nabii. Hicho ndicho kitu pekee linachoweza kukijia. Lisipokuja, linavunja Neno la Mungu na kumfanya Yeye aseme jambo lisilo kweli. Mnaona? Kamwe halitaenda kwenye seminari. Linamwendea nabii. Na nabii ametumwa kutoka kwa Mungu, amechaguliwa. Na jinsi unavyojua amechaguliwa, na si vile mtu huyo alivyosema,...

100 Tumekuwa na akina Eliya, na makoti, na chochote kile, na majoho, na kila namna ya upuuzi, na tukaingia katika umadhehebu na chochote kile.

Lakini kutakuja humu duniani, kwa ahadi ya Mungu, mtumishi halisi wa Mungu, aliyetambulishwa na Mungu (kwa Neno Lake likiwa ndilo jawabu la siku hii), ambaye atamweka Bibi-arusi katika utaratibu (uchache halisi wa kanisa) na kumnyakua Hiyo ni kweli! Atamtambulisha, "Tazama, yule pale Yule niliyesema habari Zake, mnaona, atakayekuja."

Na yote ambayo manabii walikuwa wamesema kumhusu Yeye, na kwa ajili ya wakati huu, mbona bila shaka ingefurahisha kumsikia akisema hivyo. Hivi usingetaka kumsikia akisema jambo hilo? "Manabii wote walisema kuhusu ..." Kumbukeni, Yeye alisema yale manabii wangesema juu Yake Mwenyewe, akijinukuu Yeye Mwenyewe, yale aliyokuwa amesema (Naye alikuwa ni Neno); akinukuu.

101 Sasa hebu na tuyasikilize Maneno aliyonukuu. Ungetaka kusikia yale aliyowaambia? Hebu na tuendeleo na mazungumzo yao sasa, kabla tu hatujafunga.

Sasa, walielezwa juu ya matukio ya karibuni ya kule kusulubishwa, juu ya hadithi ya pale kaburini na jiwe la kaburi, na wale wanawake waliokuwa wamemwona, na mwingine aliyesema wamemwona, na kadhalika. Yeye alisema ... Wao—wao walimwelezea hayo kwa ufupi. Naye anaendelea moja kwa moja na Neno kuhusu ... akjinukuu Mwenyewe kupitia Neno:

"Sasa angalia katika Zekaria 12." (Lazima alinukuu Zekaria 11:12.) "Kwa maana aliuzwa kwa vipande thelathini vya fedha. Hivi Masihi hakupaswa kuuzwa kwa vipande thelathini vya fedha?"

"Katika Zaburi 41:9, Yeye alisalitiwa na marafiki Wake. Mnaona?"

"Zekaria 13:7, iliyoachwa na wanafunzi Wake.

"Katika Zaburi 35:11, aliyeshitakiwa na mashahidi wa uongo.

"Kwa Isaya 35:7, alinyamaza mbele ya washtaki Wake, hakufunua kinywa Chake." (Vema, bwana.)

"Isaya 50:6, Yeye alipigwa mijeledi.

"Zaburi 22—22, alilia msalabani, 'Mungu wangu, mbona umeniacha?' Mifupa Yangu yote inanikodolea macho. Waliichoma mikono Yangu na miguu Yangu." (Angalia unabii ambao angeweza kuuzungumzia!)

"Isaya 9:6, Kwa ajili yetu mtoto amezaliwa, bikira atachukua mimba, na kadhalika.

"Na pia katika Zaburi 22:18, wao—wao—waligawana mavazi Yake miongoni mwao.

"Katika Isaya 7:14, bikira atachukua mimba.

"Zaburi 22:7 na 8, walimfanyia...alidhihakiwa na adui Zake, nanii Wake...waliiodhaniwa kwamba ni marafiki Zake; adui Zake, kanisa.

"Katika Zaburi 22 tena, Yeye alikuwa ... hakuna mfupa uliopaswa kuvunjwa, bali waliichoma mikono Yake na miguu Yake.

“Isaya 53:12, alikufa pamoja na wahalifu.

“Katika Isaya 53:9, akachubuliwa, na kuzikwa pamoja na yule ndugu tajiri.

“Katika Zaburi 16:10, Yeye alifufuka katika wafu. Daudi alisema hivyo, 'Sitamwacha Mtakatifu Wangu aone uharibifu, wala sitaicha nafsi Yake katika kuzimu.' Alifufuka katika wafu.

“Malaki 3, Yohana Mbatizaji alikuwa mtangulizi Wake.”

Na mifano yote ambayo huenda aliendea! Hata kwa Isaka akiwa mfano Wake juu ya Mlima...juu ya mlima ambapo baba yake Ibrahimu alimpeleka, katika Mwanzo 22.

102 Hapo ndipo walipoanza kuona ni nani alikuwa ametimiza Maandiko yaliyoahidiwa kwa ajili ya siku hiyo. Ilikuwa ni wakati huo, baada ya kuchelewa, walianza kuona. “Loo! Vema, ngoja kidogo! Mnajua nini?” Walijua basi ya kwamba Rafiki yao aliyesulubishwa, Yesu, alikuwa Ndiye yule Nabii aliyeahidiwa. Walijua kwa sababu ... Mnaona, hawakuwa wameelezewa juu ya Maandiko.

“Lakini, hapa, mambo haya yote yanayopaswa kutukia msalabani, mambo haya yote. Enyi msiofahamu, wenye mioyo mizito ya kufahamu yote ambayo wamesema manabii; jinsi ambavyo Masihi atateseka, na kuingia katika utukufu Wake, na kufufuka katika siku ya tatu.”

Bado wanaendelea. “Na hiyo ni kweli. Ninasema Yeye—Yeye ... Je! Mioyo yetu haikuwaka ndani yetu?” walisema. Si ajabu mioyo yao iliwaka! Unabii alikuwa akitoa ambao ulitimizwa.

103 Ndipo wakaanza kufahamu ya kwamba Rafiki yao, Mtu ambaye walikula pamoja Naye, wakasema Naye, wakashirikiana Naye, wakavua samaki pamoja Naye, wakalala mwituni, kwamba Ndiye alitimiza kila Neno la wakati ulioahidiwa! Ilikuwa pale. Walikuwa wametembea maili sita, ilionekana kana kwamba ni muda mfupi sana, nakisia, nao walikuwa wamesikia mahubiri ya saa sita juu ya unabii uliohibitishwa (mrefu kidogo kuliko ule tumekuwa nao usiku wa leo, mnaona). Ilikuwa sasa kwa namna fulani wakati wa jioni ulikuwa unapita, Nuru za jioni zilikuwa zimekuja.

Ni wakati ule ule sasa, kanisa! Nuru za jioni zimekuja! Waebrania 13:8, “Ni yeye yule jana, leo, na hata milele.” Loo, matukio yakidhihirishwa na unabii, vivyo hivyo leo. Nuru ya jioni iliyoahidiwa na nabii wa Mungu, katika Zekaria 14:7, huenda ikafungua tena macho ya mwaminio wa kweli aone matukio yanayotukia leo, ambayo yamethibitishwa na unabii ya kwamba tuko katika wakati wa mwisho. Yesu yuaja.

Ninii hasa ... Ni ...

104 Yeye alisema, “Kutakuwako na siku ambayo haitaitwa usiku wala mchana.” Yeye alisema, “Lakini wakati wa jioni kutakuwako Nuru.” Sasa, tunajua, kijiografia, jua huchomoza mashariki na kutua magharibi. Sasa, nabii alisema, “Kutakuwako na wakati mrefu ambao utakuwa wa utusitisi, kwa namna fulani...usingitwa mchana wala usiku; kwa namna fulani ni siku yenye giza, utusitisi.”

Sasa, Mwana alifufuka wapi? Nini ... Huyu alikuwa M-w-a-n-a tunanena habari zake sasa. Kwamba M-w-a-n-a ya kawaida huiuka mashariki na kutua magharibi. Mungu yule yule, yeye yule ... Jua, hasa. Na M-w-a-Mungu alifufuka kwanza mashariki, kwa watu wa mashariki.

Na sasa baada ya Yeye kuondoka, walifanya nini? Miaka mia tatu baadaye, walianzisha madhehebu yao ya kwanza, kanisa Katoliki la Kirumi. Kupitia katika Wakati wa Giza walienda, nao wakatoka. Wangefanya nini? Jambo lile lile. Imekuwa siku ya ... Haijaitwa mchana wala usiku. Walikuwa na mashirika ya kutosha, nao waliamini ya kwamba Yeye alikuwa Mwana wa Mungu, na wakatembea kwa nuru waliyokuwa nayo, wakaunda makanisa yao, wakajenga hospitali na shule na kadhalika, na seminari, na wakawapeleka watoto wao shuleni.

105 Lakini nabii alisema, “Itakuwa Nuru tena wakati wa jioni. Mwana atachungulia tena, itakuwa Nuru.” Kitu gani? Mwana yeye yule (M-w-a-n-a) aliyefunuliwa katika mwili wakati wa asubuhi, huko nyuma, atafunuliwa tena wakati wa jioni.

Sasa linganisha Luka Mtakatifu 17:30, “Na katika siku hiyo, kama ilivyokuwa katika siku za Sodoma, hali ya ulimwengu, katika wakati Mwana wa Adamu anapofunuliwa.”

Itakuwa Nuru wakati wa jioni,  
Njia ya kwenda Utukufuni hakika mtaipata.

Loo, jamani! Enyi watu, tuko wapi?  
Mataifa yanavunjika, Israeli inaamka,  
Ishara ambazo manabii walitabiri;  
Siku za Mataifa zimehesabiwa, zimekumbwa na vitisho; (Uangalie ukizama baharini!)  
Rudini, enyi mliotawanyika, nyumbani kwenu.  
Siku ya ukombozi imekaribia,

Watu wakivunjika mioyo kwa hofu;  
Jazweni na Roho, zitengenezeni taa zenu na kuzisafisha,  
Angaliani juu! ukombozi wenu umekaribia. (Afadhali.)

Ndugu, dada, ni wakati wa kutisha. Angalia mambo yaliyotabiriwa, angalia mambo hayo yakitukia. Angaliani unabii wote ukitimizwa, ndipo tuone haya yote yanahusu nini. Si kundi la...kipindi cha ushupavu wa dini. Ni Mungu akithibitisha Maneno Yake hasa, hasa. Mwamba huo umepigwa, enyi marafiki, ukimbilieni upesi mwezavyo. Unabii unathibitisha siku tunayoishi.

106 Na tuinamishe vichwa vyetu. [Ndugu fulani ananena kwa lugha nyingine. Dada fulani anafasiri. Ndugu fulani jukwaani anasema, "Je! tunaweza kutulia kwa muda kidogo tu? Mungu amenena nasi kupitia kwa Ndugu Branham, na upako uko juu ya Ndugu Branham, naye hajamaliza. Na ..." Sehemu tupu kwenye kanda — Mh.]

Mungu mpenzi! Je! Mnatambua siku tunayoishi, enyi marafiki? Ungethubutu kubishana na Mungu? Ungeweza kusema ya kwamba "Yeye amekosea," wakati Yeye amelithibitisha? Yeye Ndiye Anayejifasiria. Je! Unataka kumtumikia?

Sasa huku vichwa vyenu vimeinamishwa, na mioyo yenu imeinamishwa, ndugu, dada.

Huenda huu ukawa ndio wakati wetu wa mwisho wa kukutana. Huenda kamwe tusininii... Kama ningerudi mwaka mmoja tangu leo, kama nikiishi, kungekuwako na wengi walio hapa sasa hawatakuwa hapa wakati huo. Nami itanibidi kukutana nanyi kwenye Kiti cha Hukumu na kuwajibika kwa kila kitu nilichosema usiku wa leo.

107 Mbele za Mungu, wakati ukiwa na akili zako timamu, je! unaweza kumfanyia Mungu jambo hili? Kama unajua ya kwamba wewe ni ... Kama unajua ya kwamba unaninii...Jingalie tu mwenyewe kwenye kioo cha kujiangalia cha Mungu (Biblia), haidhuru wewe ni nani, na useme, "Ninajua niko mbali sana na kuwa binti wa Mungu, angalia jinsi ninavyofanya. Niko mbali sana na kuwa mwana wa Mungu, angalia jinsi ninavyofanya. Lakini, Mungu, sitaki kuwa hapa, na—nataka kujitahidi kufikia mahali hapo." Ninakutaka umwinulie Mungu mkono wako, hata uwe u nani, popote ulipo kote jengoni, "Naam, ninataka kuwa mwana wa Mungu. Ninataka kuwa binti wa Mungu. Ninataka kutimiza kila kitu ambacho Bwana wangu ameamuru." Sasa ninyi ... Mungu akubariki. Nadhani asilimia tisini ya wasikilizaji.

Sasa angalia hapa, rafiki yangu. Vipi kama ungaliishi katika siku ulipomsikia Yohana akihubiri? Vipi kama ungaliishi katika siku ambazo Yesu alikuwa hapa? Ungechukua upande wa nani? Kama ungaliishi katika Yesu ... Kumbuka, kama Yeye ... Kama ungaliishi kule nyuma, ingekuwa tu kama ilivyo sasa. Yesu yule yule anajitambulisha Mwenyewe kwa Neno Lake, unaona, na Yeye hapendwi sana.

108 Lakini hebu nikwambie, mimi sijaribu kuwaambia watu waondoke kanisani ama... Jamani, ninawataka mwende kanisani, "Msiache kukusanyika pamoja." Lakini kile ninachojaribu kuwaambia mfanye ni kukazana kuingia katika Ufalme wa Mungu. Chukua mambo haya, ulimwengu, kanisa ...

Wapentekoste, ninyi watu mnakuwa wa kilimwengu kupita kiasi. Mnazidi kuufuata ulimwengu. Ni rahisi tu, unaendelea kuangalia televisheni na mambo haya yote, na jinsi wanavyofanya, na haya yote, na muda si muda unajua ... Seminari, shule zinaanza kupatana hapa na pale, na hili, lile, na lingine, na jambo la kwanza mnajua ... Haina budi kuja namna hiyo. Kanisa la Kipentekoste, limekuwa msaada wangu mkubwa sana, siwezi kusema neno dhidi yake. Lakini hivyo ndivyo ninavyopaza sauti, "Ndugu zangu, tokeni!" Iteni ... Hamna mikutano mliyozoea kuwa nayo. Watu hawako kama walivyokuwa. Lakini Yesu Kristo ni yeye yule, hebu na tuingie ndani Yake.

109 Sasa, ninyi mlioinua mikono yenu, kumbukeni, kulikuwako na Mwamba uliopigwa nyikani, na chemchemi hiyo ingali imefunguliwa usiku wa leo. Mwamba wao umepigwa, Kristo, Yeye ndiye ule Mwamba uliopigwa.

Na usiku wa leo, kadiri ni juavyo mimi, kanisa linaweza kuwa ... Huenda wakati wa kuitwa tayari umepita, sijui, siwezi kusema hivyo. Kumbukeni, watu waliendelea moja kwa moja kufanya mikutano, vivyo hivyo, baada ya kusulubiwa kwa Yesu. Na ninii ... na watu wote, wao—wao watakuja, wao ... Angaliani! Wao—wataendelea moja kwa moja kuhubiri, na wakisema "wanaokoka" na kila kitu, kama tu... "Ulimwengu unaendelea kama ulivyokuwa," wanasema. Lakini itakuwa imechelewa sana wakati huo.

110 Wakati ukiwa na nafasi, ndugu yangu; wakati ukiwa na nafasi, dada yangu; njoni katika Ufalme wa Mungu. Haikubidi kuingia chini ya kitu kingine cho chote ila imani dhahiri tu kuliadini Neno Lake. Yeye ndiye hilo Neno! "Bwana Yesu, ninajua ninajiingalia sasa katika kioo cha Neno la Mungu; loo, jinsi nilivyo mfupi. Lakini, Mungu mpendwa, hapa usiku wa leo, katika usiku huu wa Jumatatu, hapa San Bernardino, California, katika ukumbi huu hapa, hii ni—hii ndiyo yote niliyo nayo, Bwana, bali nitakupa Wewe. Je! Utanichukua jinsi nilivyo, Bwana? Utaniacha nikimbilie msalabani upesi sana? Hata ninawaona wale wajumbe. Ninaona wakati, ninaona kule kuitwa kutoka Sodom. Ninaona ishara. Ninaona kundi la Ibrahimu likiipokea Nuru. Ninaona dhihirisho, Yesu akidhihirishwa tena moja kwa moja miongoni mwetu kama

ilivyokuwa. Ninaona mambo yote uliyoahidi. Ninawaona waigaji; Ninaona Wewe ulisema ya kwamba, 'Kama ilivyokuwa katika siku za Musa,' jinsi huyu Yambre na Yane wangerudi kuiga, na wangali wanabaki moja kwa moja katika jalala lile lile walilokuwa humo."

111 Unaona, wasingeweza kumfuata Musa kupitia kwenye Neno hilo na kuwachukua hao watoto kutoka huko kuwaingiza nyikani, kwa sababu walikuwa wamejichanganya katika Misri. Wasingeweza kufanya hivyo, ingawa walifanya kazi zile zile alizofanya. Lakini upumbavu wao ulidhihirishwa. Na Biblia inasema, hiyo ni BWANA ASEMA HIVI, "Itatukia tena katika siku za mwisho."

Na unaliona kwa macho yako mwenyewe, kama wewe ni wa kiroho. Mimi ... Siwezi kulielezea. Si lazima kwangu kulielezea. "Kondoo Wangu huisikia Sauti Yangu." Hebu na tumwendee sasa, wakati tukiwa na nafasi. Utafanya hivyo?

112 Kama unahitaji ubatizo wa Roho Mtakatifu, kama unataka kujiweka wakfu tena, maisha mapya; mchungaji wako hatakuharau, atakupenda kwa ajili ya jambo hilo. Jitoe tu kwa Mungu kabisa usiku wa leo, wakati tukiwa hapa. Hebu ... Naam, ninajua umekuwa ni mgumu, wenye kukata, wa kipekee, sifanyi hivyo niwe mpinzani, ninafanya hivyo nipate kuwa mwaminifu. Ninafanya hivyo kwa sababu ninawapenda, ninampenda Mungu, na ninafanya hivyo kujaribu kuwasaidia. Na kweli, rafiki, na—na—naamini ... Na kwa moyo wangu wote, kwa imani yangu yote, ninaamini ya kwamba Ujumbe wangu unatoka kwa Mungu. U—umekuwa ukiwathibitishia jambo hilo, miaka yote.

Sasa sikiliza, usiku wa leo salimisha kila kitu ulicho nacho, kila kitu unachohitaji. Ninaamini, kwa moyo wa kweli, uliojisalimisha, kama tu utasimama kwa miguu yako, na kumwinulia Mungu mikono yako, na kusema, "Mungu mpenzi, mimi hapa. Nichukue, Bwana. Sitajaribu tena kutumia akili yangu mwenyewe na fasiri yangu mwenyewe. Neno Lako linasema sina budi kuwa 'mtakatifu, sina budi kuzaliwa mara ya pili, sina budi kujazwa na Roho, na ndipo Roho ataniongoza katika Kweli yote.' Mungu mpendwa, mimi hapa, niongoze." Ungeweza kufanya kiasi hicho? Ukifanya hivyo, inua mkono wako, useme, "Niko tayari kufanya hivyo, niko tayari."

113 Basi hebu sote na tusimame kwa miguu yetu.

Kama tu nilivyo mimi, bila ombi moja,  
Lakini kwamba Damu Yako ilimwagwa kwa ajili yangu,  
Na kwamba Wewe unaniita nje Kwako,  
Ee Mwana-Kondoo wa Mungu, (Mlango pekee wa Mungu) ... njoo! Mimi ...

Sasa chukua kazi zako zote, chochote kile, uchovu wako, kila kitu ... Vipi kama ungekuwa unakufa sasa?

Kama nilivyo mimi, Wewe utanipokea,  
Utanikaribisha, utanisamehe, utanitakasa, utanipokea;  
Kwa sababu mimi ...

Utainua mkono wako juu, kwenye aya hii sasa?

Ninaahidi, nitaamini,  
Ee Mwana -Kondoo wa Mungu, ninakuja! Ninakuja!

Sasa wakati mpiga kinanda akiendelea—akiendelea kucheza, hebu kila mmoja wetu ...

114 Enyi matineja vijana, mnataka kuwa kama hawa hapa nje mtaani, kundi hili la wahuni?

Dada, unataka kuwa na nywele fupi, wakati ni heshima yako ya Kinazarayo kwa Mungu kuwa na nywele ndefu? "Ni aibu kwake kukata nywele zake." Ungevaa maskini sketi hizi ndogo chafu na kadhalika wanazovaa siku hizi, nguo hizi—hizi chafu, zinazoonyesha mwili wako, huko nje mtaani? Je! Ulijua kila mtu anayekuangalia anazini na wewe moyoni mwake? Nawe unajionyesha namna hiyo. Je! Mnajua, wanawake, ninyi mnaojipodoa, kuna mwanamke mmoja tu katika Biblia aliyepata kujipodoa? Naye Mungu akamlisha kwa mbwa. Yezebeli, jina ambalo limechukiwa tangu siku zake, kwa sababu ya matendo yake ya jambo hilo. Unajua ilikuwa ni nabii Eliya ambaye alilaani jambo hilo na kumwita atoke namna hiyo? Mnajua Herodia ndiye aliyefuatiliwa na Yohana Mbatizaji? Nini? ... Hutaki kuwa kitu hicho cha Hollywood ya ulimwengu. "Ukiipenda dunia au mambo yaliyo katika dunia, kumpenda Mungu hakumo ndani yako."

115 Ndugu, rafiki mhudumu, hakuna kitu ... Naomba mnifahamu, mimi ni ndugu yenu. Je! unataka kujihusisha, na ninyi wafuasi wa kanisa fulani (Methodisti, Baptisti, ama chochote ambacho mmekuwa), je! unataka kushikilia dhehebu hilo kwa sababu mama yako na bibi yako walilishikilia? Yeye alitoka kwenye kitu fulani apate kuingia humo, hiyo ilikuwa ndiyo Nuru ya siku hiyo; hiyo, kama vile katika siku za Nuhu. Hii ni siku nyingine.

Unasema, "Vema, nilikuwa na ninii ..."

Hii si siku ya Pentekoste. Wakati wa Kipentekoste umepita. Pentekoste imekwisha, huu ni wakati wa mavuno. Mnaona? Na wakati wa mavuno, ile punje; maji yamekwisha kumwagwa, punje inaiva. Ingia



kwenye punje, ndugu yangu mpendwa. Nisikieni, niamini mimi, kama mnaniamini mimi kuwa mtumishi wa Mungu, hebu kila mmoja, kwa njia yetu wenyewe, tuinamishe vichwa vyetu kwa unyenyekevu na kutoa maombi ambayo tu—ambayo tunajua ya kwamba tunapaswa kutoa, “Mungu, nichukue mimi kama nilivyo.”

Na ndugu, dada, ninajilaza madhabahuni usiku wa leo, pia: Mungu, nifinyange na unifanye tofauti. Fanya jambo fulani, Mungu, nifanye katika mtindo Wako.

Mnafikiri ni rahisi kusimama hapa na kuwakata watu vipande -vipande namna hiyo? Ni jambo gumu kufanya. Lakini ole wangu nisipofanya hivyo.

116 Mungu mpenzi, wakati wasikilizaji hawa wanapoinamisha vichwa chao na mioyo yao, katika nyakati hizi zenye uchaji hapa za kumaliza hotuba hii ya Biblia; tunapoona thibitisho la Roho Mtakatifu ambalo lililitikisa taifa hili huku na huku, na huku na huku, ufufuo mkuu na dalili, tukijua ya kwamba kitu fulani kinapaswa kufuata jambo hilo. Halafu kuona hao Malaika saba wakishuka pale juu ya mlima ule huko Arizona, wakati hata magazeti kote nchini yalitangaza jambo Hilo. Kumwona Yesu Mwenyewe kule mbinguni, akiangalia chini, na kusema ya kwamba, “Katika Ufunuo 10:7, katika Ujumbe wa malaika wa saba, mihuri hii ingefunguliwa, siri za Mungu zingejulikana.” Kwamba wale watengenezaji hawakuishi muda mrefu vya kutosha ku—kuutoa. Na hapa, hii mihuri saba iliyotia mihuri kitu hicho chote itafunguliwa katika siku hii. Kuona ishara hizi zote kubwa na maajabu ambayo yamefanywa, yamethibitishwa, yametabiriwa kabla hayajatukia, wala hakuna hata wakati mmoja umepata kutuacha, bali ulilitimiza kama tu vile lilivyosemwa.

117 Mungu mpendwa, tunatambua ya kwamba Yesu Kristo yuko miongoni mwetu. Tunajua ya kwamba Yeye yuko hapa. Yeye yuko hapa usiku wa leo, Mungu asiyeonekana yuko hapa pamoja nasi, na anaweza kuthibitisha kila ahadi aliyotoa katika Neno Lake. Jinsi ambavyo umesimama na kuwathibitishia, huku migongo imeelekezwa kwingine, katika mwanzo wa asili kabla hata waigaji hawajaingia ulingoni, Bwana, ama kuingia katika—katika—katika mbio, kama ilivyokuwa. Ulionyesha na kuthibitisha, ukatabiri na kusema yale ambayo yangetukia barabara, na tunaona yametukia jinsi hiyo. Na Baba, Mungu, tunajua haiwezi kuwa mwanadamu, haina budi kuwa ni Mungu. Kwa hiyo tunajua ni Wewe hapa usiku wa leo. Tusamehe dhambi zetu.

Mungu mpenzi, umeponya magonjwa yetu, sasa kwa—kutusamehe dhambi zetu, Bwana, ya kutokuwa aina ya Mkristo tunayopaswa kuwa, si ... Tukikiri kuwa mwanamume ama mwanamke wa Injili Yote, na hapa tunajikuta tukiporomoka kama kuku wa kimadhehebu. Tusaidie, Mungu mpendwa, tuchukue na kututikisa kwa Roho Wako Mtakatifu. Na kama kuna kitu cho chote ndani yetu ambacho hakifanani na Wewe, kiondoe kwetu, Bwana. Na tupande miguu yetu juu ya Neno Takatifu la Mungu, na kumwacha Roho Mtakatifu awashe moto moyoni mwetu na kuchukua takataka zote za kutokuamini na kusinzia kwa siku hii; loo, tuamke na kujitikisa. Tujalie, Mungu. Tusafishe! Tufinyange! Tuumbe! Mungu, tujalie.

118 Kama kuna ye yote hapa ndani usiku wa leo, Bwana, ambaye anashikilia moyoni mwake hiyo punje, hiyo jeni ya Mungu iliyochaguliwa kwa Uzima tangu kuwekwa misingi ya ulimwengu; Ninajua, Bwana, ya kwamba hawana budi kusikia wakati huu. Kwa hiyo, ninaomba, Mungu, ya kwamba utaijaza nafsi yao na kuwaangazia ubatizo mpya wa Roho Mtakatifu, na kuwapeleka njiani, wakishangilia na kufurahi.

Bwana Mungu, wao ... Ninawakabidhi Kwako. Sijui ni wao ni akina nani, Wewe unajua. Ninawajibika tu kwa kuhubiri Neno Lako, Bwana, unapolifunua. Wewe unawajibika kwa hayo mengine: pale Mbegu inapoanguka. Mimi ninaitupa tu. Bwana Mungu, ninaomba ya kwamba ilianguka katika udongo mzuri, wenye rutuba usiku wa leo. Kwamba wengi wataliona, Bwana, na wainuke Wakristo wanaong'aa katika siku hizi za mwisho, ya kwamba jambo kuu tunalotazamia kuja, litakuja upesi. Tujalie, Bwana. Nawe utalichukua Kanisa Lako, Bibi -arusi Wako, na kumpeleka nyumbani. Tunaliona lote likiwa katika utaratibu. Njoo, Bwana Yesu. Tunayakabidhi yote Kwako, katika Jina la Yesu Kristo, kwa ajili ya matokeo. Amina.

Nampenda, nampenda  
Kwa sababu alinipenda  
Na kununua wokovu wangu  
Kwa Kalvari ...

119 Je! Mnampenda? Vema, basi hamna budi kupendana. Peaneni mikono mnapouimba tena:

Nampenda, nampenda  
Kwa sababu alinipenda  
Na kununua wokovu wangu  
Kwa ...

Sasa hebu na tumpe sifa. Ni wangapi wanaojua wimbo huu:

Nitamsifu, nitamsifu,  
Msifuni Mwana -Kondoo aliyechinjwa kwa ajili ya wenye dhambi;  
Mpeni utukufu enyi watu wote,  
Kwa kuwa Damu Yake imeosha kila waa.

Hebu na tuimbe sasa:

Nitamsifu, nitamsifu,  
Msifuni Mwana -Kondoo aliyechinjwa kwa ajili ya wenye dhambi;  
Mpeni utukufu enyi watu wote,  
Kwa kuwa Damu Yake imeosha kila waa.

Hivi hamjisikii mmesuguliwa kabisa? Inua mikono yako na useme, "Loo, hilo linanifanya nijisikie vizuri." Ndugu, napenda nyimbo hizo za zamani. Sivyo? Zinaingia ndani moyoni.

Nitamsifu, nitamsifu,  
Msifuni Mwana -Kondoo aliyechinjwa kwa ajili ya wenye dhambi;  
Mpeni utukufu enyi watu wote,  
Kwa kuwa Damu Yake imeosha kila waa.

120 Hebu na tuinue tu mikono yetu sasa na kumsifu Mungu, kila mmoja wetu, katika njia yetu wenyewe:

Bwana Yesu, tunakushukuru. Tunakusifu, Bwana. Tunakupa sifa kwa ajili ya watu walioitwa watoke, kutoka Babeli. Tunakushukuru kwa Damu ya Mwanao, Yesu Kristo. Tunakushukuru kwa sababu Yeye hutufanya safi dakika hii. Tunaninii- ... Tunaomba msamaha wa makosa yetu, upumbavu wetu, Bwana, kujikwaa kwetu gizani. Ee Mungu, jalia tuinuke na kuangaza, na kutembea katika Nuru ya jioni, na tuwe tunda la Mti unaokuja kwa Nuru za jioni. Tujalie, Mungu mpendwa. Tunajikabidhi Kwako, katika Jina la Yesu Kristo.

Sasa huku vichwa vyenu vimeinamishwa, ninawapa wachungaji wanaounga mkono ibada.



[www.messagehub.info](http://www.messagehub.info)

Mahubiri Na  
**William Marrion Branham**  
"... katika siku za sauti ..." Ufu. 10:7